

東

華

續

錄

臣王先謙敬編

臣張式恭恭校

九月乙丑左宗棠奏據劉錦棠黃萬友稟金積正北蔡家橋在秦渠之東春閒賊設卡於橋西半里許迤西而北逾東南爲長隄隄外引秦渠馬連渠之水爲壕環之官軍非奪蔡橋水口不能徑薄金積也六月二十八日會同金運昌馬步越秦渠列陣分兵扼蔡橋水口立營正部署閒金積秦壩棗園各寨賊傾巢而出官軍前隊屹立待戰後隊趕緊修壘午後賊爭水口益力劉錦棠令何作霖蕭章開譚拔萃等步隊悉銳向賊寨猛進提督余虎恩熊有常周雲祥譚上連副將郭宗儀等馬隊橫截而出敗賊胸脯入寨官兵壓追至金積西北寨根而還日晡壘成分營駐之蔡橋水口既

得可以扼秦渠之要而沿壕賊卡尙多七月初四日三鼓劉錦棠潛師夜起令軍士攜草束衝過賊卡越壕而壘行抵賊壘卡賊驚覺拚死拒敵官軍擲草填壕而過就地築壘分馬步兩支左右鈔出護砌礮臺適金積東南各堡角聲四起賊黨分布寨邊搦戰迨漸集漸眾官軍始分數路突起衝殺敗賊向金積東關竄遁其敗走不速及誤入官軍陣中者悉就戮焉初五日黎明賊仍蠭出瞥見金運昌所部出隊恐截其後乃縮入寨中官軍會合踏毀長壕數十丈分營駐壕內而還兩戰劉錦棠一軍斃賊約六七百名弁勇陣亡七名受傷三十六名劉錦棠察看形勢毗連蔡橋之棗園堡西有小何家寨東爲蔡家寨皆濱大河可急攻而下初七日約金運昌馬步各攜攻具前往甫抵秦渠之北聚圍金積援賊虜至劉錦棠令馬隊鈔過何家寨北拊賊之背軍功董福祥張俊李雙

良等當左路何作霖蕭章開陶定昇王承贊等當右路自率提督易致中譚拔萃周國勝喻執益步軍直薄寨下合馬隊併力夾攻適余虎恩等已挑驍卒先登步軍繼之冒瓢石揮鋤掘堡腳一鼓拔之察家寨賊見鄰寨已破慌向大何家寨遁走劉錦棠縱馬鈔殺一面督步軍乘機奪寨門而入斬逆目何登榜及賊眾五百餘名棗園金積援賊見兩寨齊破鼠竄而遁劉錦棠一軍陣亡十一名受傷五十三名逆首馬化漋以蔡橋既失小何家寨蔡家寨又經攻克畏官軍逼攻愈緊復於卡西築隄澑水旁溢以阻官軍劉錦棠約金運昌急勦之初八日黎明官軍馬步向蔡橋進發金積秦壩棗園各堡之賊排列堡前及秦渠迤北金運昌率隊循渠堰而進劉錦棠率隊一列渠南一列渠北騎賊已鈔過北面之右步賊繼至副都統雙壽余虎恩等躍馬砍陣立斬騎賊多名各路馬

步一齊猛撲賊且卻且前盛戰兩時官軍銳氣百倍馬步賊大敗狂奔而西官軍從各寨礮石中躡蹠猛追刺斃轟斃之賊無數初十日會割棗園堡北之麥襲攻周家寨寨垂破矣忽金積秦壩大股悍賊來援劉錦棠金運昌揮軍擊之擒斬三百餘名收隊而還十二日五鼓踰永甯洞沿秦渠而下攻王洪寨金運昌列隊寨西劉錦棠列隊寨南雙壽馬隊伏寨東廢堡官軍施放開花礮子連落寨內馬步賊千數百齊出東門與雙壽相持分股繞寨北而西抗拒金運昌軍金運昌令軍士向西南佯敗誘賊一面約劉錦棠派隊鈔擊之賊果出隊遠追距寨約四里許劉錦棠分遣馬步橫出截賊爲兩金運昌轉旗突擊賊之尾股沿寨腳遁入北門前股三百餘名無一脫者維時雙壽正率制東面之賊劉錦棠益以陶定昇等步隊斃賊甚夥總計初八初十一等日共斃賊一千三

百餘名生擒三十七名十二日之戰據賊供王洪寨首逆王鵬已
經官軍矛刺墜塹伏誅矣各戰劉錦棠一軍弁勇陣亡二十七名
受傷一百六十名自賊復築隄於蔡橋卡西官軍隨時疏濬而積
潦縱橫仍礙馳驟十三日辰後劉錦棠金運昌會商各營旣搶過
賊壕應扼繁賊隄逼水反灌遂傳令步軍由東南鳧水進隊立營
金運昌率所部進左劉錦棠進右布置甫定賊沿途開槍抗拒劉
錦棠令各路隊伍奮威衝殺賊眾望風先潰官軍上隄即砌礮臺
一面分隊嚴陣以待金積秦壩各賊果傾巢而出金運昌率所部
當左路劉錦棠率所部當中右兩路待賊撲近以槍礮測準輪轟
回眾敗而復前者十數次悍黨中槍斃者已不可勝數矣尙排隊
遙相牽綴劉錦棠金運昌催三成隊併力修壘餘仍列隊如故薄
暮賊復糾大股悍黨逼何作霖蕭章開陣前索戰各營奮威壓勦

直薄金積卡前敗賊拋械滿地奪路鼠竄是役斃賊以千數百計據擒賊供是日馬化龍嗾陝同余彥祿陳林馬老五馬長順馬必政沙學賢馬政國各選悍賊與官軍決死戰圖奪回長隄不料連戰連敗也訊畢斬之四日壘成就隄決水反灌金積西北該同復築隄禦之十六十七兩日劉錦棠合雙壽隊伍割棗園迤西麥苗零股賊黨護救官軍均有擒斬連日之戰劉錦棠一軍弁勇陣亡三十九名受傷一百零九名金積東南爲馬連渠從前誤呼爲波浪渠渠上新築三壘馬化龍派僞參領金嶺踞其中與官軍板橋營壘相抗二十二日五鼓劉錦棠率步隊六營徑擣其中一壘豫令陶定昇易致中伏壯士於壘前高梁叢中黎明賊開壁飲牲畜伏起壯士奪門殺入劉錦棠揮大隊隨後擁進羣賊驚起持械死鬪軍士短兵相接斃賊數名餘黨紛紛墮牆而下經副將趙彩照

遂截狂奔左壘其越牆不及之賊二百餘名聚而殲之賊壘中接
出七月七日馬化漋僞檄嗾僞協領何生州僞參領馬兆圖金嶺
等助逆目王鵬力抗官軍者也據生擒賊供金嶺嗾黨抗拒官軍
已中槍死馬兆圖卽馬八條之子並陝回頭目馬長春初八日蔡
橋之戰均斃於陣矣劉錦棠以中壘旣克乘勝攻左右兩壘而金
積各堡援賊大至遂約金運昌合隊攻壘加調馬步隊伍擊援賊
迨騎賊從東面鈔來官軍正持滿而發銳不可當騎賊敗退步賊
復衝近左壘合勢穩抗維時金運昌之兵適破右壘士氣益盛劉
錦棠令各路乘機撲左壘而馬步援賊復傍壘死抗雙壽余虎恩
等縱馬衝突步軍繼之當者辟易援賊雖敗壘賊猶穩拒不動官
軍截其去路一面整隊小憩調開花礮環攻炸彈轟入壘中壘賊
始亂各營併力撲上克之乘勝進馬連渠之李花橋距金積東南

正南一二里將大小賊卡十一所概行踏毀餘賊有奔向西南中
鴛堡者有奔向正東漢伯堡者日晡收隊卽繁賊壘自是金積與
中路王洪胡家各堡聲息不通河西通昌通貴賊糧亦斷矣二十
四日劉錦棠增立營壘於金積堡正東里許分馬步數路準備勦
賊賊眾擁出堡外見官軍按隊勿動馬步賊漸前放槍呐喊中軍
鼓聲起各路官軍衝入賊陣賊卽潰敗復併聚東門外卡開礮抵
拒相持至初更新壘已成賊亦縮退連日之戰斃陝甘逆同約千
四五百名訊之生賊知逆目何標馬允吉均於十二日破壘時伏
誅矣各戰劉錦棠一軍弁丁陣亡二十七名受傷一百二十一名
二十五日巳刻金積東南賊眾忽向西趨劉錦棠捨生賊訊知中
路雷正綰黃鼎徐文秀諸軍已奪峽口之險馬化漋方嗾賊眾往
援劉錦棠令步軍列金積堡東分支沿馬連渠攻李花橋廻西賊

寨馬隊越馬連渠向中鴦堡鈔擊金積堡出步賊七八百搶入李
花橋前寨助守礮石雨注申初酉塵氛大起劉錦棠料賊眾自
西敗歸撤攻堡隊伍截之殺傷甚夥二十六日劉錦棠督隊收中
鴦堡一帶禾稼午後回營該堡回黨數百跟隊放槍雙壽余虎恩
等返旗掩殺小有擒斬二十七八日出隊割漢伯堡之麥二十九
日出棗園堡迤西何家坪割麥申初金積馬賊出巢救護劉錦棠
揮軍擊之斃賊數十名而奪其馬自二十五至二十九日各戰轟
斃殺斃之賊六七百名生擒十五名劉錦棠一軍弁勇陣亡八名
受傷九十三名又奏臣前檄中路諸軍交黃鼎會同雷正綰黃鼎調
於四百戶取齊出何家堡合規峽口七月初四日雷正綰黃鼎調
馬化溼僞領員袁希義綽號皮英者率悍賊先入張恩堡扼險以
抗官軍是夜各派馬步潛起襲之仍畱兵守何家堡防滾泉旁溢

之賊初五日黎明官軍抵張恩堡賊驚覺憑壘拒敵提督徐占彪
閻定邦等揮隊猛攻拔花籬越重塹搶入外堡斃賊數十餘名賊
爭入堡中並焚積薪於堡門誓以死守礮石如雨官軍環攻半日
未下申刻金積援賊趨至雷正綰黃鼎分兵截擊於牛頭山合力
攻堡植木爲梯冒瓢石猱升而上守賊憑壕砍刺壯士登而復墜
者再比令各營環濠築壘選健卒於寨旁掘地道攻之初六日五
鼓地道將成悍賊二百餘開壁突圍出官軍遮其出路槍轟矛刺
賊屍徧地生擒四十餘名立斬於陣乘勢搶入堡內搜斬堡賊淨
盡當賊眾突圍時賊目袁希義率悍騎數名奪路狂奔提督徐占
彪急督千總張永興張占彪躡里許生擒之據供張恩堡本馬化
漋先鋒袁希孟所踞袁希孟調歸金積馬化漋聞中路進兵急嗾
袁希義領死黨據守以固金積峽口藩籬不料官軍大至晝夜環

攻不息堡陷就擒也臣維去冬雷正綰等進兵張恩堡先克東面
依崖兩堡袁希孟怖駭比率西面堡眾繳械乞降雷正綰受之本
年袁希孟復助馬化濂爲逆河南北遭其蹂躪此次袁希義授首
居民聚觀如堵同聲稱快是役官軍弁勇微有傷亡張恩堡既克
可圖峽口臣前令提督陳廣發參將馮南斌由四百戶渡河而西
扼峽口北岸以收夾擊之效初十日陳廣發等調回騎越河西劫
糧整隊出廣武截賊八塔廟渡口殺斃淹斃數十名獲其輜糧餘
賊有奪船搶渡者有越山狂奔者官軍僅受傷六名而已嗣是兵
扼河西而峽口之賊從龍王廟渡八塔往來納家閘王家疃各回
堡之路以斷雷正綰等布置後路防務揮隊進牛頭山逼峽口而
壘徐文秀各營亦先後踵至會師牛頭山賊見官軍雲集連日堅
壁不出意在恃險死守二十二日黃鼎約陳廣發馮南斌兵進唐

渠口令各軍從牛頭山進是日馮南斌等偵零股逆賊劫糧廣武
歸將乘夜出入塔偷渡峽口卽伏兵八塔山溝以待二鼓逆眾絡
繹而至伏起盡殲之擒生賊周閻兒楊長林據供隨同頭目馬四
子自哈喇湖攜糧歸至此不料忽遇官軍馬四子已中礮落河而
斃二十四日辰刻雷正綰黃鼎會攻峽口徐占彪隊伍甫近賊壘
賊開壁迎敵徐占彪率總兵陳春萬參將朱蘭亭各營鏖戰正酣
金積池西各堡之賊絡繹來援黃鼎率提督黃有忠總兵何玉超
黃虎臣陳攀仙趙興隆遊擊李洪超李登高等扼牛頭山右截之
雷正綰徐文秀各軍爲策應併力將援賊擊敗轉旆勦峽口之賊
賊敗退河岸陳廣發馮南斌列陣對河槍礮排轟賊兩面受敵遁
伏壘中徐占彪之兵躡殺入壘徐文秀率總兵蕭寶林遊擊陳締
高繼之連破賊壘二座餘三壘爲雷正綰閻定邦各營所克殘賊

東逸黃鼎派隊截之無一漏網五壘悍賊千數百名羣斃斃刺斃淹
斃淨盡生擒賊供逆目王大閑丁逢翔馬紀成均斃壘中矣是晚
復有河西接濟賊糧逆回來入塔口呼渡尙不知峽口已爲官軍
所奪也陳廣發馮南斌潛起掩之盡獲其輜重二十五六七日金
積各堡馬步賊數千復爭水口均經各軍擊敗擒斬千計自七月
初十至二十七日斃悍賊二千餘名官軍弁勇傷亡百餘名峽口
既得秦漢馬連三渠之首皆爲官軍所據二十八九日金積馬步
賊萬餘憑漢渠列隊古靈州城護常家灘丁家堡回眾於漢渠達
秦渠之處築卡濬濠以抗雷正綰黃鼎會商必先奪古靈州城破
賊寨卡而後可長驅逼金積西門三十日徐文秀徐占彪越漢渠
立營賊潛伏不出憑卡放槍申刻壘成徐占彪帶勇士攜火器星
夜襲賊卡破之乘勝搶入古靈州城賊狂號亂竄棄壘而奔八月

初一日黎明馬賊沿山包裹而來步賊分股伏漢渠隄下大股排列渠岸雷正綰飛隊擊馬賊緣山右進徐文秀各營進中路擊步賊黃鼎率大支人馬橫列步賊之左分兵傍渠布陣防伏賊部署既定副將李廣珠遊擊陳天壽都司熊祥麟躍馬突陣與馬賊相持總兵劉治均外委吳元璋張兩翼猛鈔之賊敗而復前雷正綰正揮刀督戰徐文秀隊伍一齊撲上馬賊不支沿途步賊蠭起挺矛直前黃鼎督徐占彪馮南斌等橫貫賊陣縱橫盪決賊大敗歸巢屍骸枕藉各軍薄暮收隊初二日官軍步隊伏古靈州乾渠一帶馬隊向賊壕外卡挑戰適騎賊百餘出巢掠陣雷正綰整隊壓勦而前忽遇大股悍賊從廢堡中衝出勢幾不支黃鼎徐文秀立督各營將賊擊退徐占彪復率隊從乾渠內繞賊之後兩面夾攻賊大潰初三日五鼓黃鼎令徐占彪選壯士直撲賊卡賊自夢中

驚起倉皇狂遁官軍遂搶過賊濠守濠之賊不敢抗拒爭入丁家
堡官軍躡賊堡根卡內礮石雨注未能驟克徐占彪卽扼賊卡而
營雷正綰列隊濠外用槍礮更番仰轟徐文秀督遊擊鄧增外委
楊得高李勝忠施放後膛開花大礮炸彈飛落卡中當者立碎各
營乘勢一躍而入盡殲卡中賊無一脫者堡賊猶憑牆排立以拒
官軍黃鼎遣各營繞漢渠出秦渠中空之地築壘斷金積援徐文
秀仍連開後膛大礮子穿牆而過堡中賊眾慌亂遂突圍而出將
併趨金積堡雷正綰徐文秀催隊從堡牆缺口躍入遇賊卽砍殺
殺無遺其先逸出之賊黃鼎豫派徐占彪黃有忠朱蘭亭胡起雲
等挺矛以待得脫免者十餘騎而已擒生賊常愷供本係靈州廩
生同治二年陷入金積者馬化漋以丁家堡地形扼要嗾逆子馬
耀邦馬健邦等領悍賊駐守初二等日兩戰悍目楊自得卽楊

大娃子及關成丁永等均經官軍陣斬逆子馬耀邦等敗走洪樂
堡初三日丁家堡破逆目丁一剛伏誅堡內開壁遁者逆孫馬進
孝也初四日官軍乘全勝之勢分途攻勦連克金積西路漢渠內
外五六里小堡二十餘座羣賊望風披靡官軍徑逼洪樂堡未下
徐文秀徐占彪所部作長圍困之黃鼎率馬步攻洪樂堡金積仍
出悍賊應援官軍奮威衝殺斃賊極多日暮收隊連日各戰斃賊
三千有奇生擒五十餘名各軍傷亡弁勇二百餘名初八日洪樂
堡之戰黃鼎所部營官何玉超李洪超幫辦李全貴皆帶槍傷蓋
血戰矣臣維中路此次進兵未及一月連破堡寨數十座直抵金
積老巢其得勢猶在峽口數戰此關一開賊在掌握非黃鼎堅持
成算布置之詳赴機之速諸將士進攻之猛未易臻此見計金積
西門外僅存者洪樂四堡馬家三堡臣見飭雷正綰黃

鼎會同劉錦棠金運昌相機圖之 上諭軍機大臣等北路劉錦

棠等各軍進逼金積老巢屢次大獲勝仗奪取蔡橋水口越過賊濠立營乘勝攻克小何家寨蔡家寨等處賊巢大股援賊屢經擊敗蹋毀金積附近賊卡十餘處官軍逼賊而營金積與王洪胡家各堡聲息不通河西通昌通貴賊糧亦斷正可乘此破竹之勢迅拔堅巢將馬化灘及著名各逆目悉數擒斬以竟全功中路雷正綰等各軍又將張恩堡峽口奪回連克金積西路各卡壘險要既得賊勢更蹙金積西門外僅存洪樂等數堡左宗棠已飭雷正綰黃鼎會同劉錦棠金運昌相機進剿自不難一律廓清見在中北兩路官軍業已聲勢聯絡合力大舉事機極爲順利金積已成孤立斷難久支賊眾懼獸釜魚諒不能再施詭計是在該大臣妥爲調度迅奏膚功以慰塵繫將此由六百里諭令知之○子甘肅陣

亡副將趙彩照祭葬世職○丁卯以江北漕船阻滯諭丁寶楨速籌轉運○諭左宗棠籌濟成祿軍餉○戊辰諭軍機大臣等劉嶽勤勞墊發餉銀各摺片雲南新興州城久被逆回占踞經提督馬如龍督兵進剿斷其糧路連破玉枕山灰窯及附城逆壘多處四面逼攻殲斃逆眾無數當將州城克復逆首田慶餘等均已擒獲正法勦辦尙爲得手惟就撫降眾多係建水河西所屬之館驛東溝難民該二處尙未肅清難以分遣回籍馬如龍見已派員清查戶口令該難民等暫居州城並於城內及後裕鄉等處派兵駐紮卽著該督等飭令在事員弁隨時認真彈壓妥籌善後事宜以期漢回相安免致另生枝節興化既克自應進剿東溝館驛等處迅埽逆氛馬如龍因傷發回省調治先派都司王正坤等規取東溝

館驛該提督當趕緊調理痊愈卽時前往督勦以資得力收復新興出力人員俟東溝館驛肅清彙案請獎至馬如龍連年勦匪均能身臨戰陣奮勇圖功深堪嘉尙此次進剿新興於湖南撥餉未到時復籌墊餉銀三萬兩潤屬顧全大局敵愾同仇著發去白玉翎管一支白玉搬指一箇火鏢一把大荷包一對小荷包兩箇交提督祗領以示優異將此由五百里各諭令知之○于雲南陣亡遊擊馮勝標祭葬世職○己巳諭軍機大臣等前據曾國藩奏已革天津府縣已於八月二十八日押解起程至今尙未到部聞該革員等見抵通州張光藻劉傑刻卽解送刑部不准藉病遷延將派員前赴通州將張光藻劉傑刻卽解送刑部不准藉病遷延將此各諭令知之○諭曾璧光奏川軍退紮牛場黔省軍務緊迫請飭川楚兩省仍前進取各摺片川楚援黔歷有年所今夏兩軍勦

匪得手營壘相望聲息漸通曾經諭令乘勝進取以竟全功何以
唐炯當聲威正盛之時不候咨會不俟接防遽將全軍撤退致苗
匪勢復猖獗提督陳希祥以孤軍無援退紮貴定等處實屬貽誤
事機著崇實吳棠查明該道擅退情形據實參奏曾璧光摺內稱
唐炯本擬移師楊老以圖下司分規都勻凱里續聞川督有裁撤
安定果毅兩營之議已具稟聽候遣撤遂移紮平甌就糧以待批示
示等語是崇實吳棠於屢次諄諄諭旨並未實力奉行惟以節省
餉需爲事殊屬不知緩急況近防不如遠剿援黔卽以保川豈可
畛域攸分不顧大局仍著崇實吳棠嚴飭唐炯迅速進兵與楚黔
各軍聯絡聲援以收夾擊之效不得再涉遷延致干重咎見在秋
氣已深劉岷當慄遵前旨督飭席寶田等軍仍前進取期與川兵
勢成犄角迅奏廓清毋稍觀望曾璧光身任黔撫責無旁貸務當

督飭各營分勦上下兩游以與援軍會合綏靖嚴疆將此由六百里各諭令知之○庚午諭軍機大臣等文碩奏遣送厄魯特人眾並密陳巴彥特古斯觀望情形各摺片前因厄魯特人眾欲回布倫托海經福濟酌給牛羊銀兩令其折回諭令福濟迅飭巴彥特古斯等派員迎護並令奎昌等一體飭屬護送茲據文碩奏厄魯特人眾兩月之久始至青格里河一帶意欲盤踞度冬見接巴彥特古斯來文以布城難以安插請示遵行意存觀望等語該人眾沿途逗留依然搶掠亟應妥爲控馭著奎昌文碩迅速將青格里河一帶認真保護並設法將該人眾等暫示羈縻毋令擾害地方文碩自請議處之處著加恩寬免該厄魯特人眾應如何妥爲駕馭俾就範圍之處著福濟斟酌情形會商奎昌文碩妥籌辦理以靖邊陲署領隊大臣巴彥特古斯何以不派員迎設是否意存觀

望並著福濟確查具奏一面嚴飭該領隊遵奉前旨派委妥員迎護收管俾得各安生業將此由六百里各諭令知之○諭崇實奏遵義教案辦理就緒請將出力官紳酌保總理各國事務衙門奏貴州教案未結請飭崇實仍赴遵義籌辦各摺片前據曾璧光奏黔省教案九起全行議結並未將如何議結之處詳細聲敘此次崇實摺內所稱設堂行教一事業經開導就緒而教士遲久並無出省日期是民教兩面尙未切實議結不得遽謂完案據法國使臣羅淑亞照會內開轉據任教士函稱貴州各案入奏之後並無會同甘結且臚列遵義等處教案亦未設法辦理等語可見該教士並未帖服是否各案本未議妥含糊了結抑係該教士之言不實不盡若不趕緊辦妥仍爲不了之局崇實見已起程回省著卽迅速折回馳赴遵義會同曾璧光督飭余思樞等妥速籌辦總須

民敎兩面各無異詞實有完案確據方不至再滋口實所有此案辦理出力官紳著俟全案完結後准由崇實會同曾璧光擇尤酌保總理各國事務衙門摺著鈔給閱看將此由六百里各諭令知之○壬申諭軍機大臣等金順奏官軍截剿沿山竄賊獲勝一摺回逆馬化漋因河東官軍進攻寨堡嗾令河西回酋馬沅糾合馬賊數百由西山竄入潮湖一帶沿山肆擾以圖阻截軍糧經金順會同張曜督飭副都統托雲佈等軍截剿獲勝槍斃逆酋馬沅其阿拉善旗沙拉布爾都地方馬賊亦經副將郝永剛等馳往迎剿該匪向西竄逸據獲賊供稱西甯回匪有欲由草地東竄之說見在劉錦棠黃鼎各軍於中北各路連克寨壘金積堡勢已大蹙該逆四出紛擾自在意中而西路賊眾又圖東竄防範豈可稍疏卽著金順會同張曜選派得力馬步各隊分路巡防毋令河西逆匪

再圖竄突以顧湘卓兩軍糧道並飭各軍嚴防東竄之匪遇賊卽擊不得稍有鬆勁將此由六百里諭令知之○諭劉崑奏援黔各軍蕩平苗寨暨川軍撤退仍請飭令進兵各摺片湖南援黔各軍自攻克亮擺巖門司等城寨後提督唐本有等復督隊攻毀花灘各巖洞及四星各寨又將朗洞城池攻克附近數十里賊寨一律蕩平八寨諸苗已有畏威乞撫者楚軍擬乘勝進規台拱若川軍通力合作進剿凱里諸寨不難將逆苗醜類次第掃除乃崇實吳棠不知顧持大局輒因省餉撤兵唐炯一軍遂回牛場覆安候撤以致甕谷隴已有賊蹤重安黃平復爲賊踞寶屬貽誤事機前據該將軍等奏請截汰援黔兵丁卽諭令汰弱畱強仍飭唐炯會合席寶田等軍合力進攻不可遽行鬆勁何以不候諭旨竟撤援軍棄已成之功貽將來之患不知緩急一至於此曾璧光前次奏到

已嚴諭崇實等迅飭唐炯進兵不得遷延干咎著卽懷遵前旨檄令唐炯剋期拔隊迅赴戎機時已秋涼劉岷卽當催令席寶田督兵迅平台拱毋任賊勢復張唐炯此時應否進紮黃平抑或卽會楚軍兜剿清江南岸著斟酌情形辦理台拱若平苗疆善後及進取事宜尙須悉心經理席寶田未可遽行離營屆時仍著劉岷酌度奏聞劉岷所奏唐炯致席寶田函內有川省函商黔中全撤川師月協餉五萬歸黔自辦聞黔中意甚欣然等語黔省兵力豈能不須協助卽敷勦辦理曾璧光果允其議何以前奏又請飭催川軍唐炯所言恐非確實著曾璧光詳細具奏戈鑑一軍出力員弁准劉岷先行酌保其餘各營出力人員著暫行存記俟攻克台拱併案請獎將此由六百里各諭令知之○予貴州陣亡副將朱長林等祭葬世職○癸酉諭軍機大臣等魁玉奏覆陳審訊兇犯大

概情形一摺張汶詳以漏網逆贍敢直入督署狀害重臣實屬
罪大惡極該犯自知必遭極刑所供各情一味支離見雖將該犯
家屬拏獲到案而何人主使尙未究出終不足以成信讞張之萬
計已馳抵江甯卽會同魁玉懷遵疊次諭旨督飭司道各員設法
根究務將因何起意行兇及受人指使各情一一究出盡法懲辦
以申國憲至督署重地竟容閒人出入毫無覺察是日守門官役
魁玉是否提問何以未據奏及時金彪一名已否由山西解到新
市鎮軍犯旣與張汶詳平日來往亦當密拏到案從旁引證或可
究出眞情並著魁玉張之萬多方研訊務得確實情形毋稍含混
將此由五百里各諭令知之○諭左宗棠穆圖善奏西路馬隊官兵
勦賊續勝一摺甘省西路逆匪在松山等處及平番古浪各縣
屬四出搶掠經委營總額爾慶額及代理統領常明等帶隊分路

截擊殲斃多名勦辦尙屬奮勇惟省西一帶零星匪股出沒靡常
若不痛加勦洗誠恐伺隙紛擾大爲糧路之患著左宗棠穆圖善
督飭各軍於平番等縣屬將各股匪眾實力痛勦務期淨絕根株
以清糧路將此由五百里各諭令知之○甲戌諭內閣前因天津
府知府張光藻天津縣知縣劉傑於民教起鬱一案事前疏於防
範事後又不能迅速獲犯當經降旨革職交刑部治罪嗣經曾國
藩等取具親供並將革員等押解到部茲據刑部奏請按照刁民
滋事地方文職不能彈壓撫恤革職例上從重擬以發往軍臺效
力並以案情重大應如何從重改發之處請旨等語該府縣責任
地方乃於津民聚眾滋事不能設法防範致匪徒乘機焚殺戕害
多命又未將兇犯趕緊拏獲情節較重且該革員等於奉旨交刑
部治罪後張光藻竟敢私往順德劉傑亦私往密雲任意逗留尤

屬貌玩張光藻劉傑均著從重改發黑龍江效力贖罪以示懲儆至津民因懷疑激忿不遵地方官彈壓輒敢逞兇殺害至二十餘命之多且將其仁慈堂內貞女慘殺尤爲兇殘見經曾國藩等拏獲滋事人犯審明分別情節輕重將馮瘸子等十五犯擬以正法小錐王五等二十一犯擬以軍徒既屬情真罪當卽照所擬將馮瘸子等卽行處決小錐王五等分別發配安置經此次嚴辦之後各直省地方官務當曉諭居民安分守法毋任再滋事端遇有中外交涉事件並須按照條約持平妥辦總期中外商民彼此相安以靖地方○諭軍機大臣等前據曾國藩等奏天津案內應行正法各犯當諭令俟刑部議奏張光藻等罪名時再降諭旨本日刑部奏遵議張光藻等罪名一摺已明降諭旨將該革員等從重改發黑龍江其應行正法之犯照曾國藩所擬卽行正法軍流各犯

並照所擬辦理此案大致見已就緒所有應訊人犯著曾國藩等
迅速訊明持平辦理妥爲了結一面遴派幹員於天津地方彈壓
拊循毋令莠民乘機煽惑聚眾滋事別釀釁端○大學士兩江總
督曾國藩六十生辰賜御書扁額曰勳高柱石並賞御書福
壽字暨珍玩文綺○乙亥諭軍機大臣等福濟等奏遵籌防勦情
形一摺據稱額爾德呢招竄匪仍由原路退去見在賊在額哲呢
河盤踞阿畢爾米特旗下金山卡倫有賊阻滯該匪仍多伏莽非
厚集兵力後患終不能除請飭庫倫辦事大臣張廷岳帶領該處
蒙兵其綏遠城張家口馬隊統歸調遣迎頭堵擊等語賊蹤飄忽
靡常原應防其竄擾惟張廷岳究應駐兵何處方足聯絡聲勢所
帶各隊應由何路進剿蒙兵是否得力應調若干並未據福濟等
籌及又前調馬隊業據福濟等奏稱咨照綏遠城張家口暫行停

止見在應否調撥著福濟等與張廷岳酌量緩急情形迅速詳細具奏福濟等奏賊屯處所距竄台之路較近難保其不隨時竄突福濟張廷岳等仍當妥籌防勦不得坐誤機宜該匪到處奔竄必須就各該地面隨時堵截著成祿在肅州一帶嚴密搜捕斷賊來路並著文麟景廉伊勒屯何琯於哈密巴里坤等處勤加偵探遇賊卽擊扼其去路以遏逆氛將此由五百里諭知福濟榮全錦不勒多爾濟文麟景廉張廷岳伊勒屯成祿並傳諭何琯知之○戊寅諭軍機大臣等曾國藩等奏續訊天津案內第二批人犯分別定擬一摺此次續拏各犯旣據曾國藩等單開訊明情節輕重著照該督等所擬將劉二等五犯卽行正法鄧老等四犯分別發配安置曾國藩等接奉此旨後所有先後定擬正法之犯二十人軍徒各犯二十五人卽行分別辦理庶可迅速完案羅淑亞派繙譯

官德微理亞前赴天津修具切結並確查燒燬房屋被搶物件以便議償曾國藩等本係特簡查辦津案之員此時該緝譯業已抵津修堂撫恤諸事在津易於定議卽著該督等晤商德微理亞妥籌辦理迅速具奏將此由六百里各密諭知之○諭崇實吳棠奏請將統兵道員摘頂並通籌川黔大局一摺黔省軍務自清水江北岸肅清事機順利正宜乘此聲威合力進剿以竟全功乃唐炯因川楚兩省有減兵節餉之議並不妥議稟覆聽候批示輒將所部川軍擅自撤回平寶實屬貽誤事機姑念前次克復地方著有微勞著先行摘去頂帶以示薄懲前據曾璧光劉崑先後奏到川軍撤退情形疊經諭令崇實吳棠嚴飭唐炯迅速進兵與楚黔各軍聯絡夾擊劉崑前奏並有楚師進規台拱川軍進剿凱里諸寨之議著崇實等體察情形悉心籌畫應否改由都勻入寨進規凱

里或仍由重安江派兵南渡飭令唐炯剋期拔隊前進實力勦辦
以贖前愆並著劉崑檄催席寶田迅督所部會合進攻以收夾擊
之效至疲弱兵勇本不應濫竽充數豈待餉需支絀始議裁汰又
豈可因裁汰疲弱停兵不進坐失機宜崇實吳棠劉崑務當懔遵
疊次諭旨妥速籌辦以維全局總須飭令各軍彼此聯絡策應立
於不敗之地斷不可意存畛域各懷觀望致誤戎機儻不以大局
爲重進止不齊以致日久糜餉老師辦無成效定將統兵各員從
嚴懲治卽該督撫等亦不能解咎也曾璧光身任黔撫責無旁貸
亦當督飭黔軍力圖進剿不得專恃援軍自甘頹靡貴州敘案未
結崇實著仍遵九月初七日諭旨前赴遵義會辦趕緊結案將此
由六百里各諭令知之○允崇實奏畱丁憂提督陳希祥幫辦軍
務○撥直隸河南山東旗租地丁銀各三萬兩備永定河工需○

辛巳諭軍機大臣等曾國藩奏遵旨赴任兩江總督請陛見並請將
主事陳蘭彬帶至江南暨續獲正犯范泳擬卽換釋穆巴各摺片
穆巴一犯證佐既未的確何以前奏遽擬死罪著卽日釋放以重
人命其續獲之范泳旣屬供證確鑿爲放火燒房正兇著照該督
等所請歸案正法曾國藩接奉此旨卽著將應辦各事懔遵九月
十五日諭旨迅速辦理毋再稽延曾國藩卽著來京陛見該督起
身後李鴻章著仍駐天津勿遽回省務將彈壓撫綏各事宜妥爲
籌辦俟津郡中外諸事大定再行請旨主事陳蘭彬著准由曾國
藩帶往江南差遣委用將此由六百里各諭令知之○壬午諭軍
機大臣等金順奏回匪竄擾西山歸德溝等處分隊勦辦獲勝一
摺陝回賊首張志沅糾眾竄至西山邊之歸德溝一帶南北同堡
潛出賊騎附合意圖阻劫糧道經托雲佈等督軍進剿賊遂大潰

該匪情急反噬再戰於空湖拉地方復經我軍殺斃百餘名敗匪越嶺而遁著金順會商張曜督飭派出各軍將逃匿餘匪搜捕淨盡務絕根株蘇逆受傷衝散是否殲斃著查明實在下落毋任漏網南北兩路回堡見大礮陸續到營益懷疑懼糾黨拌死竄突在意中金順務當與張曜悉心籌畫嚴密布置一俟礮位運齊卽著實力進攻迅殲醜類王家瞳莊賊匪前曾乞撫恐不可恃見在籌辦情形並著隨時奏聞將此由六百里諭令知之○諭劉嶽昭岑毓英奏官軍攻克澂江城外賊巢一摺澂江府城踞逆於城外分築土城石碉負嵎抗拒經岑毓英親督各軍進剿疊將西山村西街子及上下左所等處賊巢攻破附城四面賊營一律毀平剿辦甚爲得手見在僅餘孤城外援已絕釜底游魂諒難久延殘喘岑毓英見已回省辦理閩務澂江既經合圍斷不可稍涉鬆勁著

劉嶽昭岑毓吳飭令岑毓寶等合力圍攻迅圖克復將此由五百里各諭令知之○甲申諭軍機大臣等富明阿等奏查出軍營無著官兵各缺請由原旗揀放一摺各省節年徵調吉林官兵傷亡病故各遺缺見經富明阿等查明各路軍營實有吉林官兵二千六百十二員名數與通省見在軍營實數計無著防禦二員雲騎尉一員兵缺六百六十三分此項空缺既係軍營存營兩無著落額缺豈可久懸卽著照該將軍等所擬准其由吉林原旗按缺揀補以昭嚴實而免懸曠○諭陝甘回匪滋事以來朝廷軫念西陲大申撻伐特令左宗棠爲欽差大臣督兵剿賊厚集兵力寬予限期計每歲撥用餉銀不下八百餘萬兩該大臣於行軍籌餉事宜有所陳奏無不立見施行倚畀不爲不重乃自抵甘以來雖據疊報勝仗總未能痛埽賊氛致金積堡一隅之地至今日久未下逆

首稽誅軍務安有了期竭東南數省脂膏以供西征軍實似此年復一年費此鉅帑豈能日久支持該大臣捫心自問其何以對朝廷卽著左宗棠振刷精神嚴檄各軍實力勦辦該大臣前奏金積堡賊勢已蹙似不日即可攻克北路肅清後河狄一帶賊蹤亦宜以次殲除務當剋期歲事毋得再事遷延致干咎戾將此由六百里諭令知之○以錢寶廉爲內閣學士由少詹事遷○乙酉諭內閣文

祥奏病體未痊力難兼顧懇請開除緊要差使一摺文祥管理理務較多見在病體未痊兼顧爲難自應量予體恤著毋庸管理理藩院國子監及嚮導處事務並開去對引大臣閱兵大臣各差使以節勞勤○諭富明阿奏舊病增劇懇准開缺回旗一摺吉林將軍富明阿自道光年閒由馬甲從征喀什噶爾隨後轉戰江南河南等處戰功卓著歷任甯古塔副都統江甯將軍皆資得力因勦

賊受傷兩次奏請開缺均經恩准並賞食全俸俾資調理旋於同治五年間命補授吉林將軍督勦馬賊自抵任以來於整頓地方搜捕賊匪各事宜辦理悉臻妥協茲因傷病復發懇請開缺回旗覽奏情詞懇切出於至誠自當俯如所請富明阿著准其開缺回旗調理仍准在旗支食將軍全俸所在任內革職畱任處分均著加恩寬免應扣未繳俸銀一併免其扣交以示體恤○諭軍機大臣等前據伯彥納謨祜奏請調馬隊以備不虞當諭理藩院傳知東三盟各調馬隊一千名並調吉林黑龍江馬隊均赴古北口一帶駐紮茲據李鴻章奏稱酌度時勢古北口一帶不必駐紮重兵擬請撤回以節餉需等語此項馬隊全數到口籌撥餉項甚鉅覓既酌度情形無需兵力卽著照李鴻章所請所有前調東三盟馬隊著全數撤回並著理藩院傳知該盟蒙古王公迅將各隊撤回

遊牧仍隨時操練以備征調其吉林黑龍江馬隊共三千名據富明阿毓福德英先後奏報起程因思神機營每年本有調撥該處官兵更換操防之事此項官兵是否可以就近調換著神機營王大臣酌議具奏該官兵已否全抵古北口著李鴻章庫克吉泰飭令暫行駐紮聽候諭旨應需餉項仍著庫克吉泰覈實支放將此諭知神機營理藩院伯彥訥謨祜並由五百里諭令李鴻章富明阿德英庫克吉泰毓福知之○丙戌諭軍機大臣等左宗棠穆圖善奏西路官軍剿匪獲勝一摺甘肅西路回匪分竄鎮番威各屬經韓廷芝王仁和等帶兵截剿將紅柳橋紅牆兒等處賊匪擊敗柳林湖雙城堡等處之賊聞風逃竄其阿干鎮附近亦有回匪圍攻民堡復經周惟翔帶隊擊退見在大兵由南路進剿河州逆匪乘西路空虛伺間紛竄肆行搶掠意圖牽我兵力左宗棠穆圖

善仍當飭令該處防軍隨時探蹤截勦毋任竄突穆圖善另摺奏
請帶馬隊馳赴近畿等語見在天津之事業經辦結畿輔兵力足
資拱衛該將軍駐紮蘭州籌辦防勦亦關緊要務當與左宗棠隨
時會商共維大局所請帶兵來京之處著毋庸議前疊諭左宗棠隨
將成祿一軍應否撤回酌覈奏聞該大臣何以久不覆奏殊不可
解本日據成祿奏見擬拔營西進並請募勇撥糧捐辦駝隻籌辦
屯田隨帶寶型出關各摺片該提督頓兵日久忽爲此鋪張揚厲
之舉事之可行與否恐未必能通盤籌畫著左宗棠懔遵疊次諭
旨將成祿一軍應否撤回並該提督此次所陳各情一併酌覈迅
速覆奏不得再有遲延成祿摺一件片五件均著鈔給左宗棠閱
看將此由六百里各諭令知之○諭成祿奏拔營西進並籌辦屯
田調募勇隊請飭蒙古捐辦駝隻關外州縣運解倉糧隨帶寶型

出關及請頒發關防各摺片前因成祿奏該營餉需缺乏當經諭令暫緩前進聽候諭旨見在該提督已於八月二十日起程惟該提督一經出關道路愈遠籌餉愈難著成祿仍遵前諭無論行抵何處卽於關內地方擇要暫行駐紮候旨遵行肅州一帶伏莽尙多關內地方尤關緊要著成祿統率所部將來往匪徒實力搜捕務絕根株該提督所用木質關防見已模糊卽著另行刊刻木質關防以昭信守將此由六百里諭令知之○丁亥諭軍機大臣等奎昌奏查勘塔城界址牌博完竣並見籌辦理情形各摺片俄國與塔城分界處所建立牌博見經奎昌會同俄官續行查明自察漢鄂博起至哈巴爾阿蘇山嶺止共立牌博六處連前所立四處均與同治三年原定條約相符業已繪圖換約辦理尙爲妥速惟見在塔城未復附近地方別無臺卡此次立界之後俄人能否常

守條約不復侵占內地仍當隨時偵察以保無虞卽著福濟等按照奎昌所擬咨會霍博克賽里之土爾扈特親王車林拉布坦扎薩克拉特那巴扎爾圖布欣克什克三旗轉飭各該旗官弁隨時畱心稽查如俄人因歷時已久復有侵占情事卽行知會福濟等隨時與之理論竭力攔阻不得因循廢弛俟塔城克復仍照舊章兩國派員會查以符定制將此由六百里各諭令知之○戊子賞普濟堂功德林賑米八百石○己丑予甘肅陣亡總兵官許吉祥祭葬世職○辛卯諭軍機大臣等前因天津民教啟釁屢諭沿海各省督撫嚴密設防見在天津一案業已辦理就緒不可因此案完竣卽置防務於不問近來內外臣工往往遇事機危急非不盡心竭力以期共挽時艱而泄沓成風未事之先於一切戰守章程類皆紙上空談以致遇有緩急毫不足恃迨事過之後則又

因禍患已平苟且因循爲目前偷安之計事事有名無實何時可冀自強耶朝廷宵旰焦勞隱憂彌切著沿江沿海各省將軍督撫大臣振刷精神將戰守機宜認真講求以備不虞至各省武備廢弛已極綠營習氣尤深並著各將軍督撫大臣破除情面認真整頓以期一兵得一兵之用經此次訓諭後務當實事求是嚴密設防毋再視爲具文至各省民教交涉事件亦應處處持平不可專顧一面若地方官操縱合宜剛柔互濟自可消患未形若各直省將軍督撫府尹於所屬州縣地方官務須選擇有風骨而又通曉時務之員遇教士非分之求不得曲爲遷就遇條約應辦之事亦當妥爲撫綏庶中外相信不至再滋事端將此各諭令知之○左宗棠奏劉錦棠軍進駐金積東南李花橋金運昌軍進駐正北蔡橋七月初十日三鼓金運昌派隊襲秦渠池北賊卡提督方庭芝

所部直薄卡前參將董布亮王廣越遊擊何文繼豎梯先登士卒
繼之守賊驚覺憑牆死拒守備龔心明鈔過卡西築包擲落卡內
火起數丈燒斃卡賊多名各營從卡北乘機撲入克之西南秦壩
關丁韓各寨賊出援經金運昌督總兵張懷玉副將王化成高得
勝等分路截擊均敗遁回巢初一日黎明金運昌之軍攻正西韓
寨破毗連韓寨二小壘賊登時驚潰提督王鳳鳴馬隊掩之河干
擒斬過半乘勝越秦渠衝入西南各賊卡弁勇奮厲無前遇賊卽
砍守賊紛紛鼠竄是時劉錦棠合雙壽隊伍擊賊李花橋西將散
布各莊內外賊眾一律殲除正會同金運昌馬步併力躡蹤追勦
見金積堡突出悍賊應援官軍頓旗待之援賊嗾敗賊合勢回撲
劉錦棠當左路金運昌當右路揮隊奮擊賊大潰劉錦棠縱馬步
躡過馬連渠金運昌之兵躡近金積西北寨根克秦渠水口兩賊

卡而還是役共斃賊千三百餘名生擒賊九十餘名奪槍械三四
十餘件弁勇陣亡二十名受傷至一百九十九名初二日劉錦棠
金運昌曾商緣蔡橋溯秦渠而西賊壘屢次非合力攻拔不能徑
薄秦壩關也比令馬步進隊賊見官軍雲集棄壘狂遁雙壽余虎
恩等縱馬躡殺秦壩關之西突出騎賊數百劉錦棠整隊截之訊
所擒生賊知卽中路黃鼎諸軍自古靈州敗東奔者嗣是各軍
日割刈秦壩關一帶秋稼賊跔伏不出初四夜金運昌率提督宋
朝如張懷玉選壯士掘鋤鋪襲聚圍堡迤西之大河家寨環攻至
初五日黎明金運昌按隊稍憩力扼東南堡門賊從堡內鑿小竇
遁出西北官軍佯爲不知俟賊出漸多縱馬步猛鈔之得脫免者
無幾軍士乘勢劈寨門而入見守賊之經槍礮斃者屍骸枕藉據
生賊供逆目何一會已伏誅堡內矣同時劉錦棠雙壽出隊越山

水溝搶割胡家堡之麥王洪等寨出悍賊救護官軍亦有斬馘劉
錦棠回營得中路各軍徑逼洪樂堡之信卽繞赴雷正綰黃鼎營
中會商不先奪秦壩關無以聯絡西北官軍營壘而斷馬家灘接
濟金積賊糧之路十二日劉錦棠金運昌雙壽所部直指秦壩關
金積賊眾悉銳抗拒官軍分中左右三路緣秦渠直上奮威衝擊
槍礮矛刺賊勢拔靡官軍馬步繫蹠至秦壩關西南近石屹塔黃
鼎雷正綰徐文秀整隊接應賊狂奔四散劉錦棠連環收隊賊復
糾馬步回撲二里許提督陶定昇譚拔萃易致中喻執益周國勝
等合雙壽馬隊賈勇殿後賊不敢近復撲金運昌隊伍金運昌沿
波浪渠返旆而西與劉錦棠所部夾擊之賊奔回金積而秦壩關
仍未能下計各戰轟斃刺斃之賊七百有奇據生賊供陝回余彥
祿之弟僞副帥余彥喜十二日與官軍戰敗而復前中礮落馬斃

於陣連日官軍弁勇陣亡六名受傷九十餘名劉錦棠七月二十七日築壘金積堡東逆首馬化滻畏官軍之逼復於堡東添築卡壘嗾黨死拒十三日黎明徐文秀派遊擊鄧增等帶後膛開花大礮螺絲礮合劉錦棠雙壽馬步進攻甫抵賊壘金積援賊傾巢而出劉錦棠分兵列陣堵之專用大礮攻壘壘牆洞穿賊眾稍亂軍士直薄壘前擲草填濠而上守賊木石齊下援賊亦合勢撲來提督蕭章聞何作霖等督隊擊援賊敗之雙壽余虎恩軍功董福祥馬步旋踏平壘北賊卡提督李占椿李雲貴陶定昇易致中乘勝率弁勇緣壘牆礮孔猱附而登守賊拚拒格鬪逾時乃悉就戮據生賊供官軍大礮子落壘中斃傷賊數十名眾懼思遁馬化滻三次傳僞令堅守逆目楊洪杰梁惠一亦死拒不退壘破始伏誅訊畢斬之立派隊駐其壘十四日金積賊巢悉眾撲犯經官軍田雞

劈山礮竟日環轟而退十七日劉錦棠赴黃鼎徐文秀營中計事見金積堡賊出排列西北三里許比飛調步隊分兩路進剿雙壽率營總吳俊花良阿合余虎恩等馬隊爲左右翼廬戰正酣金運昌聞礮聲大震率隊踵至併力壓勦賊大敗歸巢各戰斃賊七百數十名生擒三十餘名官軍弁勇陣亡三十六名受傷一百四十六名金積堡東門逃北統呼爲東關列廬鱗次去歲官軍大捷吳忠堡時陝回眷屬盡徙居關內關外築堅寨斜築甬道護之自十三日劉錦棠所部連破賊壘進駐之後距東關賊寨僅百步十七夜劉錦棠令軍士銜枚襲之寨賊驚覺鳴角放槍金積悍賊讎起抗敵劉錦棠伏兵寨西南護築礮壘以大枝隊伍擊援賊火器併發夜明如晝相持至五鼓援賊悉數敗遁而礮壘亦成劉錦棠選銳卒攻寨間以開花礮測準轟之十八日天明金運昌隊伍齊至

聲勢益壯午初寨牆經大礮轟裂守賊慌亂軍士乘機猛進克其
外卡遂從寨牆缺口躍入拔之寨中包裏無數小寨守賊自量不
支或墜牆而下或開壁狂奔雙壽余虎恩何作霖等正攔途遮截
金積各寨之賊復冒死來援金運昌令提督尹興茂等力扼之援
賊縮退劉錦棠催隊躡各小寨敗賊跟蹤搶入東關關內賊眾憑
街口死鬪軍士短兵巷戰馬隊鈔過東關之北賊眾失措乃護眷
循金積寨東狂遁而南輜重拋棄滿道官軍立將關外寨卡二十
三座次第踏毀焚關內鋪屋三四千所十九日調陝回護逆眷敗
踞金積南門牆根與正南李花橋巡西賊寨爲犄角二十日黎明
劉錦棠金運昌雙壽會師進剿行過李花橋陝甘逆眾虧集各莊
衝般里許步賊仍返旆死拒騎賊亦下馬回撲蓋陝回方護眷徒

西門故嗾悍黨斷後也何作霖方庭芝花夏阿等揮刀砍陣斃悍
賊多名賊始敗潰軍士乘勢攻拔各寨卡自是金積東南北三面
蟻穴埽平劉錦棠壓東關而壘俯瞰金積老巢各戰其斃陝甘回
逆四千有奇生擒三百九十餘名陣斬逆目馬萬成馬雲程馬占
德馬玉堃余老二陳喜等連日各軍共陣亡二百名受傷至六百
九十七名之多攻堅血戰之苦如此中路雷正綰黃鼎徐文秀諸
軍自八月初四日連克金積西路漢渠內外賊寨徑逼洪樂堡賊
黨連日增築卡壘於田家橋石屹塔與老馬家丁家各堡聯成一
片爲堅護洪樂死抗官軍之計洪樂堡者逆首馬化灑祖墳所在
俗傳風水有異者也雷正綰黃鼎會商必先破老馬家各堡而後
可專攻洪樂初八日徐文秀合提督徐占彪總兵陳春萬蕭寶林
參將朱蘭亭所部合圍老馬家堡攻一晝一夜連放後膛開花大

礮堡牆轟裂丈餘軍士乘機猛撲平其外壕守賊憑堡放槍力扼
堡牆缺口相持至初九日洪樂各堡賊眾蠭起赴援黃鼎督總兵
何玉超黃虎臣遊擊李登高等從米姑寺一帶徑襲洪樂之虛雷
正綰督總兵劉治均副將李廣珠遊擊陳天壽外委吳元璋馬步
隨後策應洪樂援賊見官軍直擣其巢悉入堡內拒守總兵陳攀
仙趙興隆隊伍跟蹤躡殺何玉超等繼之瞭見金積塵氛大起援
賊兩路鈔來洪樂堡敗賊亦回頭死鬪槍礮三面對轟各營勢幾
不支黃鼎急令黃虎臣率隊橫貫賊陣接應趙興隆遊擊楊奠山
之兵雷正綰令馬隊下馬持矛合步軍併力衝殺徐文秀亦派遊
擊陳締高部眾從老馬家之旁截援賊右路各軍士奮威壓斬賊
眾大潰鼠竄歸巢老馬家堡之賊見外援已絕堡寨垂危勢甚慌
亂徐文秀蕭寶林執旗先登徐占彪等一齊躍上拔之盡殲堡賊

無一脫者初十日天明各軍進石屹塔平賊壘三座就地割刈秋
稼殆盡徐文秀率隊駐之自是傍秦渠沿黃流迤北達金運昌營
壘聲息以通十二日金積秦壩各堡賊眾紛紛東竄雷正綰黃鼎
徐文秀方督所部分道攔截石屹塔一帶適劉錦棠金運昌大隊
自東壓勦而西兩面鈔擊斬馘極多十三日黃鼎派提督黃有忠
偕田家橋賊壘而營十六日各軍併力攻之黃鼎徐文秀列隊防
援賊雷正綰一軍爲前驅黃有忠護大礮對賊壘緊轟裂其牆垣
雷正綰督李廣珠陳天壽千總胡起雲一齊躍入立拔其壘守賊
有墮牆遁者官軍正內外鈔殺金積洪樂各堡大股援賊廢至矣
黃鼎督徐占彪等擊洪樂之賊徐文秀督副將彭清和等擊金積
之賊鏖戰逾時蕭寶林躍馬砍陣軍士競奮短兵相接銳不可當
兩路援賊大潰黃鼎揮軍士撲田家橋毗連各賊壘陳春萬黃有

忠黃志元帶隊平壤冒險力攻克之十七日黃鼎進軍田家橋馬化漋復遣其弟馬玉漋陝回西彌頭目普洱馬阿洪仍赴黃鼎軍前哀詞乞撫黃鼎諭令先繳馬械毀平堡寨馬化漋求官軍暫退峽口黃鼎不許連日金積堡外賊眾悉趨西門其向滾泉羅山竄遁者黃鼎令駐韋州滾泉馬家河灣各軍截之疊有擒斬二十三日派徐占彪潛師夜起搗洪樂堡前兩小堡拔之斃悍賊二百餘名通計八月初八至二十三日各戰擒斬賊數近三千名破老馬家堡時斬逆目馬伏漋克田家橋賊壘時逆目馬洪智伏誅官軍其傷亡二百數十名見接各營探稟九月初二日洪樂堡已經中路官軍克復賊悉敗遁金積堡容俟續報臣復調記名提督王衍慶帶臣親兵解運大礮前往助剿冀可迅速叢事又奏幫辦湘軍軍務頭品頂戴記名提督瑚松額巴圖魯黃萬友由湖南湘鄉勇

丁從征轉戰各省蕩平髮捻各逆積功游保今職上年秋間劉松
山率師度隴派黃萬友率步隊五營分駐甯條梁安邊定邊花馬
池一帶轉運糧餉軍火時間逆被勦分竄擾劫運道該提督不辭
勞瘁設法飛輓卒保無虞九月閒劉松山因前敵攻勦喫緊檄率
所部助戰隨同克復靈州連破大小賊堡數十處迨劉松山由吳
忠進規金積黃萬友駐軍靈州設賑濟輯流亡災民賴以全活本
年正月劉松山陣亡劉錦棠奉旨總統全軍黃萬友幫辦軍務該
提督悉心贊畫戰必身先疊著奇捷均經臣隨時陳奏不料操勞
過度傷疾並發延於八月初七日在營次身故臣維黃萬友沈毅
樸厚深得軍心茲值戎機順利而該提督一病不起實堪悼惜克
復靈州案內臣擬爲黃萬友奏請賞給正一品封典合無仰懇
天恩賞給正一品封典照提督在軍營立功後病故例從優議卹

加恩子諡並准附祀劉松山原籍及死事地方專祠以慰忠魂
上諭金積堡踞匪於本年七月以來經左宗棠飭令劉錦棠等分
路進攻次第克復西南西北東西賊寨並將金積堡東關攻破中
路雷正綰等軍進剿西路賊匪立將洪樂堡攻克該逆悉敗退金
積堡著左宗棠飭令提督王衍慶會同劉錦棠黃鼎各軍乘勝進
攻迅速收復金積堡務將竄踞賊匪悉數殲除不得久稽時日另
片奏石成器裏眾潛逃畏罪自髡賣足以昭顯戮在逃之翟占沅
等係首先倡亂之犯該大臣務當飭令西路各軍及地方州縣嚴
行緝拏務獲懲辦毋任漏網其管帶各員是否防範不力並著查
明分別辦理唐有彥所部潰卒務飭黃武賢妥爲安撫涼州永昌
未潰之勇左宗棠已令肅宗幹等裁併實數統歸王仁和鈴制卽
著擇要分繁毋令滋生事端將此由六百里諭令知之○子甘肅

軍督病故提督黃萬友祭葬世職並予謚陣亡總兵官趙昌元祭葬世職○壬辰以孟冬時享太廟上前期親詣行禮○諭軍機大臣等前任直隸提督劉銘傳治軍有律疊著戰功此次一聞宣召卽兼程北來其忠勇報國之忱尤堪嘉尙見在津案已結無須用武該提督年力正強豈可令其投閒置散因思李鴻章赴直時已率郭松林周盛傳所部全軍東來僅畱譚仁芳五營駐紮西安此時甘軍勦匪正當喫緊陝省兵力空虛深虞該匪竄突若令劉銘傳督辦陝西軍務振旅西征不特陝境可得安全卽甘軍亦可免後顧之慮似於大局較有裨益至楚軍與淮軍雖不相習而陝事甘事各有責成料不敢各存意見也著李鴻章斟酌機宜據實覆奏如劉銘傳於西事不甚相宜或於他省軍務可期辦理有效之處亦著妥籌具奏該提督已於昨日召見俟李鴻章覆奏到

日即可明降諭旨其駐紮滄州及丁壽昌所帶銘軍已有一萬餘人加以駐紮直隸邊境之周盛傳郭松林等軍亦有一萬數千人兵數實不爲少以有用之兵置之無事之地徒耗餉需若以百戰勁卒遽予裁撤亦屬可惜著李鴻章通籌全局或酌畱直隸若干以資拱衛或撥給劉銘傳若干以資勦賊其餘各營應如何分地布置之處並著悉心籌畫迅速具奏將此諭令知之○諭據禮部奏接准盛京禮部送到朝鮮國王咨文內稱該國慶源府農圃社居民李東吉逃往琿春地方蓋屋墾田嘯聚無賴該國民口時有犯越皆李東吉招誘所致琿春人與之慣熟不肯舉發額懲查拏等語該朝鮮匪徒潛入關隘沿邊官吏卽應如數查拏今李東吉潛住琿春招引該國民人逃越內地豈可任其溷迹毫無見聞著毓福密飭琿春協領等確查該國匪犯如在所屬境內潛匿卽行

購綫織緝務將朝鮮匪犯李東吉等盡數拏獲解交該國懲治奕格抵署任後並著會同毓福飭屬隨時稽查毋任匪徒再行逃匿以肅邊防此次朝鮮逃越人犯已諭令吉林將軍等嚴拏解交著禮部行知該國王遵照辦理將此諭知禮部並諭令奕榕毓福知之○是月緩徵直隸安州等十州縣被水被旱新舊額賦並減差徭

冬十月癸巳朔諭軍機大臣等總理各國事務衙門奏朝鮮民人潛逃俄界請飭該國自行辦理一摺前有旨諭令禮部行知朝鮮國王將逃赴俄界民人悉數領回約束毋許再有逃越並由總理各國事務衙門咨行禮部轉咨該國王著該部按照前咨迅卽令朝鮮自行設法招徠使已逃者嚴徳復歸嗣後尤當嚴申禁令不可復蹈前轍並著該部行知該國王遵照辦理至邊防必應嚴

密著奕榕毓福嚴飭邊界各員弁隨時認真稽查如有朝鮮民人由中國地界逃至俄國者卽行查禁毋任乘閒偷越將此諭知禮部並諭令奕齡毓福知之○乙未諭軍機大臣等前因陝省兵力空虛深虞該匪竄突諭令李鴻章將劉銘傳督辦陝西軍務是否相宜斟酌覆奏茲據毛昶熙奏通籌西陲全局請飭劉銘傳督辦陝西軍務郭松林等營均歸節制其所部銘軍畱鎮畿輔請飭李鴻章酌撥數營爲該提督親軍等語與前降諭旨大致相同惟銘軍係該提督所部恩信素孚故能得力劉銘傳振旅西征能否畱紮直隸及郭松林周盛傳兩主能否歸該提督節制均著李鴻章體察情形妥籌具奏至該提督入關後應如何隨時策應甘軍後路以杜該匪回竄之處並著統籌全局一併奏聞原摺著鈔給閱看將此諭令知之○諭文煜等奏船政大臣見丁父憂請飭守制

百日後仍出任事一摺前江西巡撫沈葆楨自同治六年接辦船政以來不辭勞瘁網舉目張辦理已著成效該前撫見在丁憂懇請簡員接辦本應俯如所請以慰孝思惟船政緊要未便遽易生手且非有地方之責沈葆楨守制在籍亦非出宦外省可比卽著文煜英桂傳知沈葆楨於守制百日後仍將船政事務照常經理毋得固辭該前撫平日辦事實力想能仰體朝廷倚畀之重移孝作忠也沈葆楨守制百日內應行奏咨事件並著文煜英桂飭令夏獻綸等隨時稟知該將軍督撫等代爲咨奏以符體制沈葆楨百日後遇有應奏事件仍著照常奏事將此各諭令知之○飭四川山西協撥陝西賑墾銀二十萬兩○予甘肅陣亡縣丞凌鑽高
祭葬陳一摺據稱甘軍稍振陝事亦鬆似無須別置一軍致左宗棠

或生疑忌若以陝事責成劉銘傳懇請破除常格兼任地方以免牽掣等語所奏不爲無見惟陝事甘事各有責成淮楚兩軍彼此分辦何至積不相能且甘省前敵各軍勦辦得手尤恐賊匪乘隙竄陝該省兵力尙單必得知兵大員督兵防勦方臻周密北山一帶居民漸次復業而伏莽猶多亦宜及時彈壓芟除劉銘傳聲威卓著忌勇性成又能馭將愛民決機應變本日已明降諭旨令該提督督辦陝西軍務矣劉銘傳抵陝後將陝甘毗連處所嚴密布置以固隴軍後路一面將北山等處土匪叛勇埽除淨盡所有善後事宜隨時會同蔣志章和衷商辦毋執已見藉可厯練地方公事勉成令器事權不爲不專期望不爲不厚該提督當能仰體朝廷至意也該提督赴陝自應統帶所部銘軍方資得力昨據毛昶熙陳奏已諭令李鴻章妥籌辦理本日復命軍機大臣傳知該提

督卽日請訓以便迅赴天津與該督籌商一切該督接晤後尤當盡言規勸俾磨鍊益深庶備國家異日干城之選至郭松林周盛傳等軍如何分地布置或撥給若干以資助勦之處均著李鴻章會商曾國藩劉銘傳後再行具奏將此諭令知之○諭吳棠嚴禁四川州縣苛派○命劉銘傳督辦陝西軍務○子陝西病故提督程廣和建祠○戊戌允李鴻章撥款修造天津漕運剝船○子貴州陣亡知府黃德裕建祠總兵官王松林等附祀○己亥諭軍機大臣等崇實吳棠奏改撥協黔的餉請飭提督赴任接辦軍務一摺貴州提督周達武在川帶兵見在川省援黔一軍久未得手崇實吳棠傳知周達武卽赴貴州提督本任接辦軍務遇有軍營緊要機宜准該提督就近會同曾璧光列銜具奏唐炯各營卽著

分別裁撤妥爲安置周達武所需餉銀五萬八千兩著照崇實等所擬由川按月籌撥解赴貴州省城專供周達武馬步全軍之用不得短少崇實吳棠傳知該提督赴黔後迅率所部剋期進兵與楚黔各軍聯絡夾擊周達武本係貴州提督著曾璧光飭令黔省帶兵各員遇有應勦應防事宜聽周達武調遣席寶田一軍並著劉焜檄令該員迅督所部會同周達武等合力進攻此次貴州壁壘一新該將軍督撫等務當懔遵疎次諭旨嚴飭帶兵各員迅圖會剿毋再推諉遷延周達武原部達字新字各營崇實等已令回川填築卽著飭令提督陳希祥等妥爲布置以固邊防將此由五百里各諭令知之○庚子諭軍機大臣等成祿奏漢回構隙殺害職官請飭查辦並請將各省運到軍火改由草地轉解巴城暨懇令常順帶隊西來各摺片肅州收復未久必須漢回相安方免另

生枝節乃金塔所屬河西西紅二處漢民以署金塔協標都司馬萬福有通賊情事輒聚眾圍署將該都司槍斃並將其妻子殺傷據劫衣服財物馬萬福前雖充當肅回頭目業已投誠免死並係職官卽使通賊果真亦非百姓所可擅殺若不認真查辦無以服眾回之心見在已有陝回數百由南山竄至肅城僥因漢民仇殺之故潛行唆惑恐滋事端著左宗棠迅派委員前赴肅州將馬萬福被殺一案秉公查辦以息爭端應否帶隊之處著該大臣酌度辦理署肅州鎮總兵陶生林赴省未回員缺豈可虛懸著左宗棠卽飭該總兵回任或另派明幹之員迅往接署藉資彈壓前已有旨令成祿暫緩拔營前進聽候諭旨該提督旣未西行高撫金肅一帶當就近安爲鎮撫以安反側各省運解成祿軍火著仍暫存歸綏道府聽候撥解成祿前請調吉林黑龍江馬隊未經允准如

果將來有兵調往再令常順統帶前進將此由五百里各諭令知之○寶投蘇廷魁河道總督○辛丑諭內閣前據詹事府詹事夏同善通政使司副使朱智鴻臚寺少卿許庚身呈進前任內閣中書張應昌所著春秋屬辭辨例編八十卷當交南書房翰林閱看據稱張應昌所著春秋屬辭辨例編原本宋儒兼及眾說閒附按語亦頗詳審該員著年好學甚屬可嘉所進之書卽著畱覽○以江北漕船阻淺允丁寶楨請由陸路轉運臨清○壬寅諭軍機大臣等劉岷奏湘潭會匪滋事勦辦情形一摺據稱湘潭縣南鄉朱亭有哥匪約眾起事經縣丞葛治平捕獲何騰濤等二名該匪膽敢聚眾至朱亭搶犯葛治平帶團迎擊受傷殞命朱亭被匪焚掠並擾及黃茅山門淶口等處大股竄踞鳳凰山蓮花寨爲巢穴分黨肆擾逼近湘鄉等語近年哥匪滋事之案層見疊出雖經隨時

撲滅而根株未絕實爲地方之害此次湘潭匪徒戕官焚掠盤踞
山寨形同叛逆必須乘其初起趕緊勦辦悉數殲除以絕後患著
劉岷飭令道員李光燎等迅速進剿毋任他竄致滋蔓延儻兵力
不敷卽著會商曾國荃選擇得力將弁招募勁旅統帶前往協同
會剿該前撫誼切桑梓該處地勢人情較爲熟悉且曾統帶勇丁
殺賊立功諒必能妥速籌辦剋期咸事也將此由五百里諭令知
之○諭曾國藩等撥解湖南援黔軍餉○予湖南陣亡縣丞葛治
平祭葬世職○甲辰諭軍機大臣等崇厚等奏天津機器局告成
動用經費各款開單奏報一摺天津設立機器局經崇厚飭在事
人員度地庀材隨時監視密妥士等認真經理見已一律告成所
用款項旣據崇厚等聲稱事由冊舉難以例價相繩所有單開用
過銀數卽著准其開銷至密妥士所稱再添研藥機器三分每年

所出火藥可增三倍而人工所加有限較之採買即可節省尙屬
久遠之計崇厚見在出差應如何斟酌添製開拓之處著交李鴻
章妥爲籌畫奏明辦理該督於此事講求有素務當督飭津局委
員事事悉心研究務將此中機巧竟委窮源底可有裨實用不至
徒託空言將此各諭令知之○諭金順奏勦賊獲勝移營進逼王
瞳一摺陝回屢擾河西冀阻官軍糧道王瞳通昌等寨悍賊亦潛
出沿山竄擾經金順會商張曜派隊前往平洪一帶探勦將東面
沙梁及北沙窩竄匪擊敗西山邊沿村劫糧之賊搜殺淨盡逆曾
亦被擒斬各起巡防兵勇復分路截擊零星回股糧道見在疏通
勦辦尙爲得手惟金積堡突出陝匪欲入王瞳各寨就食若不盡
數截殺迅拔堅巢必致句結拒守圖抗官軍金順見已會同張曜
督隊進剿王瞳著卽相度機宜滾營進逼擣穴擒渠盡殲醜類該

逆見在遣黨潛赴河東旬引陝回均由馬家灘一帶偷渡並著知照河東各軍隨時認真巡防毋任賊蹤竄渡金積堡業已合圍恐尚有匪徒逸出並著該署將軍會同張曜嚴飭各軍偵探兜勦以杜紛竄將此由五百里諭令知之○乙巳賞五城貧民棉衣銀○丁未賞八旗步軍綠營兵丁一月錢糧○戊申諭軍機大臣等金順奏偪勦王瞳回匪疊勝並攻克馬四賊寨一摺金順一軍自前月二十五日移營後會同張曜督軍進偪王瞳莊賊分三股出巢抗拒經各軍分中南西三面迎擊金順由東北率眾截勦疊次獲勝敗匪奔入馬四寨復經截殺多名官軍乘勝將馬四寨攻克王瞳東南一帶之賊又斃多名回酋蘭州阿渾已被轟斃此次金順等軍進攻王瞳回逆連日獲勝攻毀寨壘勦辦甚屬得手卽著金順會商張曜督飭各軍乘勢圍偪務將王瞳攻拔殲厥渠魁其北

路各回寨與王瞳回逆同類難保不伺隙潛出圖擾糧運並著嚴飭後路各營實力防範毋任紛竄將此由六百里諭令知之○加賞通州王恕園等處賑米六百石○辛亥諭軍機大臣等劉坤一奏湖南湘潭等縣會匪滋事醴陵攸縣與江西之萍鄉等處壤地相接萬載縣亦相去不遠見已派兵堵勦等語該匪盤踞鳳凰山四出滋擾見經湖南官軍進剿難保不闖入江境卽著劉坤一飭令朱雲章等督率兵勇嚴扼萍鄉等處隘口兼顧萬載縣蓮花廳地並檄飭劉勝祥分撥兵勇前赴蓮花廳協同守禦毋令該匪乘閒竄越劉勝祥駐紮吉安卽飭令効固江西省門戶毋稍疏虞袁州城防緊要務當飭令知府駱敏修會同朱雲章妥爲布置湖南如需江西防兵會剿卽著劉岷知照劉坤一檄令周亮何明亮等迅速出境會合夾擊並飭李光燎等剋期進剿毋任該匪旁竄致

茲蔓延將此由五百里各諭令知之○兵部等部會議兩廣總督瑞麟等條奏新設赤溪協未盡事宜所陳改駐都司一員千總三員把總五員外委八員額外二員記委四員馬步守兵四百六十一名暨改赤溪營爲水師隸陽江鎮管轉變通巡洋章程以陽江鎮總兵爲上班統巡赤溪協副將爲下班統巡並移新甯縣縣丞改駐廣海寨均應如所請辦理從之○免科布多本年例貢貂皮○壬子諭軍機大臣等總理各國事務衙門奏遵議毛昶熙請撤三口通商大臣條陳一摺洋務海防本直隸總督應辦之事前因東豫各省匪蹤未靖總督遠駐保定兼顧爲難特設三口通商大臣駐津籌辦係屬因時制宜而見在情形則天津洋務海防較之保定省防關繫尤重必須專歸總督一手經理以免推諉而專責成著照所議三口通商大臣一缺即行裁撤所有洋務海防各事

宜著歸直隸總督經營照南洋通商大臣之例頒給欽差大臣關防以昭信守其山東登萊青道所管之東海關奉天奉錦道所管之牛莊關均歸該大臣統轄通商大臣業已裁撤總督自當長駐津郡就近彈壓呼應較靈並著照所議將通商大臣衙署改爲直隸總督行館每年於海口春融開凍後移駐天津至冬令封河再回省城如天津遇有要件亦不必拘定封河回省之制李鴻章見任直隸總督當慎遵此次改定章程將洋務事宜悉心籌畫海防緊要尤須統籌全局選將練兵大加整頓銘軍酌畱若干營曾否定議揚村河西務王慶坨等處應否修築礮臺撥營分駐均著該督酌度情形妥爲籌辦畿輔水利本宜講求而畿東尤亟應如何設法宣洩以利農田而固封守著該督慎選賢能之吏次第興辦至天津新鈔兩關稅務應否添設海關道一員專司其事著李鴻

章一併酌議具奏原摺著鈔給閱看將此諭令知之○癸丑諭軍
機大臣等前據張廷岳等奏妥籌防勦情形本日據福濟等奏見
籌堵勒竄匪各一摺賊匪在額哲呢河盤踞距綏城西北烏城西
南均不過二千餘里與庫倫則相距五千餘里烏綏兩城派兵會
剿聲勢尙屬聯絡且此股賊匪見又竄入喀喇烏蘇等處分股搶
掠必須及早勦除以靖臺站福濟等已咨張家口綏遠城將前次
備調馬隊催赴哈爾尼敦一帶迎擊著定安文盛卽將前項馬隊
一千名分別檄飭達爾濟管帶前進與福濟等派出各隊會合確
探賊蹤併力截勦金山卡倫之賊業經張廷岳派員前往偵探如
探明匪蹤所在卽著咨照福濟等派兵堵截張廷岳等仍當酌撥
防兵迎頭堵禦庫倫地方緊要該辦事大臣等務當加意防範以
備不虞臺站地面遼闊賊匪奔竄靡常並著福濟等會商定安文

東華錄卷一百一十一
三
盛隨時派兵搜勦淨絕根株至張廷岳見在應否督隊進剿及在
何處駐紮仍著福濟等與之悉心商推迅速奏聞將此各諭令知
之○甲寅頒賞王大臣暨內廷翰林各省將軍都統督撫 文宗
顯皇帝聖訓各一部○以水旱疊見下詔修省○丙辰諭軍機大
臣等金順奏官軍連日攻勦竄踞各匪獲勝力籌進取一摺逆匪
久踞王瞳負嵎抗拒經金順會同張曜連次進攻疊獲勝仗其郡
城迤東之紅花寺及北路虞翔營等處竄匪亦經各軍截勦斃賊
甚多惟東北回寨糾集陝匪紛擾後路分我兵力尤須嚴爲防範
卽著金順會同張曜督飭後路防營及提督劉廷等軍確探嚴防
遇賊卽擊力顧迺道一面嚴督各營實力進攻迅拔堅巢毋任陝
匪乘閒來援致勦辦更形棘手將此由六百里諭令知之○丁巳
諭軍機大臣等張廷岳等奏竄匪復擾烏境請飭撥兵進剿一摺

金山卡倫竄匪見經張廷岳等探明在額爾德呢班第達呼圖克圖地方肆行搶掠復分股向西北東北奔竄並據烏城咨稱賊擾巴彥察罕等處所向未定等語張廷岳等以倉呢達賴地方距額爾德呢招等三處尙屬相連因將阿哈爾山防守移紫該處以資堵禦並令圖謝圖汗部落兵丁馳往會合駐守添派幹丹丹準車林先赴額爾德呢招等處會同那木濟勒端多布等相機防勦酌畱車臣汗部落官兵一千名防守庫倫布置尙妥惟賊股奔突靡定著福濟張廷岳等嚴飭派出各隊確切偵探跟蹤兜剿務絕根株不得彼此推諉以致賊勢漫延不可收拾烏城屬境見有賊蹤福濟等尤當派隊認真兜捕毋任此拏彼竄文盛定安等亦當確探嚴防毋任匪蹤擾及轄境察哈爾馬隊一千名前已准張廷岳等所奏諭令定安文盛等檄飭達爾濟管帶前進著福濟等迅卽

迎提以厚兵力並著文盛等檄令此項馬隊剋期起程毋再延緩所請添派綏城官兵赴烏會勦之處是否可以調撥著定安酌度情形奏明辦理將此由五百里各諭令知之○戊午諭軍機大臣等李鴻章奏邀旨會商酌派官軍赴陝並分撥各軍布置情形一摺劉銘傳督軍赴陝此次李鴻章所奏派撥各情與劉銘傳前奏大略相同該提督見已由津起程卽著李鴻章咨會劉銘傳入陝後卽將所部銘軍及添撥之郭松林徐邦道等營於陝西應勦應防處所擇要扼槩該營所需餉項軍火及轉運採辦經費卽由李鴻章所設湖北後路糧臺及揚州分局籌撥接濟西北糧運維艱並著咨會劉銘傳沿途體察情形派員設局節節轉輸毋誤軍食郭松林所部武毅馬步十營本日已諭令李瀚章俟此項官軍到後應如何分路設防之處卽行妥籌調度周盛傳所部馬步二十

三營俟劉銘傳郭松林各營分起遠去卽著飭令移師北渡擇要
布防以衛畿輔吳長慶所部步隊八營見分駐江南宿遷揚州蘇
州等處並著咨會曾國藩就近調遣以資統攝將此由四百里諭
令知之○諭穆圖善等奏陝回竄撲平番屬境經駐防該處之南字
回回生彥崔三兩股由河州竄擾平番屬境經駐防該處之南字
左右兩營迎勦於沙溝地方接戰失利統領張萬美等均歿於陣
該逆直撲縣城豫師督兵守禦賊向東北山溝遁去穆圖善親率
馬隊馳抵免窩督勦將賊擊敗殲斃甚多此次賊匪乘虛出擾勢
頗猖獗見在雖已遁回河州老巢惟賊蹤出沒無常必須隨時加
意防範南字營見已併歸參將李正魯統帶而兵力尙單豫師駐
紮平番務當督率在城文武妥籌防守該辦事大臣新立之營亦
當認真操練以資得力穆圖善擬令署莊浪協副將鍾本起招募

五百名著卽飭令訓練成軍將城守事宜嚴密布置其南大通沙溝口及北十里鋪等處並著分撥官兵扼守以杜紛竄穆圖善見已回省如西路有警仍當隨時調度力籌防勦左宗棠身任欽差大臣於甘肅全省軍務均應妥籌兼顧不得以遠在西隅置爲後圖土門及武威縣屬王家臺等處有匪竄擾著左宗棠穆圖善迅飭王仁和等督軍截勦毋任滋蔓穆圖善另片奏疊次勦賊出力馬隊官兵可否酌保等語著准其擇尤保奏將此由五百里各諭令知之○湖南官軍敗會匪於鳳凰山諭李瀚章嚴防湖北毗連境地○予甘肅陣亡提督張萬美等祭葬世職○庚申諭內閣前據總理各國事務衙門奏遵議尙書毛昶熙請撤三口通商大臣條陳當諭令李鴻章妥籌應辦各事宜茲據該督酌議章程具奏天津地方緊要自宜因時變通三口通商大臣一缺著卽行裁撤

所有應辦各事宜均著歸直隸總督飭該管道員經理卽由禮部頒給欽差大臣關防用昭信守並著該督於每年海口春融開凍後移紮天津冬令封河再回省城儻遇有緊要事件必須回省料理亦准其酌度情形暫行回省事竣仍赴津郡以資兼顧其山東登萊青道所管東海關奉天奉錦道所管牛莊關均歸該督統轄惟中外交涉事務較繁自應添設道員管理著照所請准另設津海關道一缺專管中外交涉各事件及新鈔兩關稅務並責成該道督飭府縣悉心妥辦仍隨時稟請該督酌覈辦理嗣後津海關道缺出著由直隸總督揀員請補其餘未盡事宜著李鴻章迅速妥議具奏○諭軍機大臣等李鴻章奏遵旨酌議應辦事宜一摺本日明降諭旨分別照准其津海關道一缺已令陳欽署理矣三口通商大臣旣已裁撤所有天津洋務一切事宜該督責無旁貸

著隨時相度機宜悉心籌畫至選將練兵籌備海防尤爲目今要務直隸練兵日久迄無成效李鴻章惟當嚴飭各將弁認眞訓練隨事整飭變通以期兵歸實用大沽海口南北礮臺最爲扼要楊村河西務王慶坨等處均屬要隘應否撥營分駐修築礮臺並著妥籌辦理周盛傳一軍卽著暫駐景州滄州一帶以資拱衛畿東水利亦宜切實講求崇厚開墾渠田旣無實效並著該督察看情形妥籌試辦另片奏請派道員總理機器局事務等語道員沈保靖卽著總理天津機器局事務李鴻章仍當飭令該員督率中外員弁匠役悉心研究以期有裨實用惟該局牽涉洋人殊多窒礙勢不能遽議更張總在經理之員督飭內地員匠銳意推求必須自能運用轉相傳習方爲經久之道所有一切整頓開拓章程應否與密妥士籌商並著酌度妥爲籌辦將此諭令知之○左宗棠

奏八月二十一日劉錦棠金運昌會商金積東關既克當掘壕築
牆鎖圍困之湘軍由東北起掘東南兩面金運昌軍由東北起掘
正北面二十四日黎明金運昌率所部興工西北出回眾千餘
擁來撲金運昌當派隊伍三成一面掘壕飭副將王化成邵升堂
提督方庭芝參將董布亮各率所部隊伍七成從左右鈔入賊陣
飭總兵張懷玉副將高得勝守備龔心明等奮勇直前斃悍賊七
十餘名賊猶抗拒劉錦棠得信飛派隊伍徑由南門外出西門截
之賊始潰退入堡午刻壕深數尺矣同眾復出大隊約二千餘攜
帶銛鉞器具而前意圖拚死填壕分股搦戰金運昌乘其分布未
完飭各營停工一齊猛進銳不可當斬首百餘虜戰一時之久賊
乃大敗我軍追至西門收隊而還陣亡勇士六名受傷二十餘名
而已二十五日五鼓金運昌豫挑精銳伏壕牆內靜以待之飭勇

夫揮鋤修掘該逆登牆瞭望謂我軍無備也馬步賊千數百名擁
擁而來勇夫棄鋤佯遁誘近壕邊伏兵突起刀矛並舉槍礮排轟
賊卽敗退已革總兵胡國龍率所部衝出追之計轟斃殺斃之賊
三百二三十名餘眾遁入堡內先是吳忠堡境內尚存永甯洞馬
家兩寨一名馬家雙桅桿一名油坊寨春閒馬化漋決斷秦渠淹
灌官埠劉錦棠開溝導水波浪湖下永甯洞該兩寨地勢較低周
圍積水甚深賊得以小船渡洋麻湖與洋麻湖回逆潛通聲息官
軍阻水不克往攻也七月閏中路各軍奪回峽口堵過秦渠水源
該兩寨積水日漸消涸二十七日劉錦棠傳令駐吳忠堡之軍功
董福祥乘夜襲之是夜四更董福祥率軍功張俊李雙良出隊五
成攜帶梯牌銛杖疾走直抵雙桅桿寨下回黨酣睡未覺董福祥
等率死士悄登立斬坐更賊三名各勇蟻附而上火器齊發回逆

夢中驚起倉皇失措登時殺斃數十名餘賊約數十名及寨頭馬重生墮牆而下入油坊寨死守如故二十九日劉錦棠復派提督譚上連都司陳宗蕃等馬步往攻黎明馳抵寨下連發噴筒火箭轟之適寨內火藥被燃震倒寨牆二三丈譚上連等乘勢衝入寨賊二百餘名接殺無遺擒回目馬重生馬金元併斬之計勇丁陣亡七名受傷四十七名是時兩軍所掘之壕已深至丈餘寬至二丈壕上之牆亦累高八尺餘矣劉錦棠金運昌乃各派所部憑壕牆分段以守九月初一日劉錦棠金運昌雙壽等商議陝回自東南北三面卡寨全破後支帳金積堡西門外以悍賊護之宜會隊進剿初二日五鼓潛師夜起劉錦棠率馬步各營會同雙壽統帶吉林馬隊銜枚疾馳沿馬連渠直上金積西南三里許卽分飭提督何作霖王承贊知州李樹棠等率所部進左提督羅照陞朱德

開周國勝參將潘鳳祥率所部進右其餘各營潛伏渠旁雙壽率
營總吳俊花良阿與提督余虎恩熊有常周雲祥譚上連都司陳
宗蕃副將郭宗儀等各率馬隊進左路之左以備鈔殺金運昌親
督張懷玉高得勝龔心明郭占元馬步於五更時出隊接應黎明
何作霖等徑薄西門槍礮齊轟火彈噴筒一時迸發噴刻煙燄漫
天火光紛起回眾驚呼倉皇四竄步軍衝入賊中刀砍矛刺馬隊
兩旁鈔殺無一漏網計焚斃殺斃之賊不下千餘正在搜殺間金
積堡槍礮紛注如雨甘回縋牆下撲者紛紛勢甚兇猛各營且擊
且收賊殊死鬪劉錦棠飛令潛伏渠旁之提督尹興茂李占椿喻
執益陶定昇易致中譚拔萃各率所部分兩路衝出接應殺斃悍
賊甚多賊稍卻退於時關外卡中各賊突出數百繞出湘軍之後
金運昌督隊迎擊立斃悍賊三百餘名賊甫敗潰忽金運昌帶傷

墜馬賊復率黨回撲張懷玉高得勝率所部橫截而出將賊擊退
忽洪樂堡逃東又出騎賊一支鈔過馬連渠而南金積南門出步
賊一大支直犯正南其勢甚銳雙壽余虎恩等見之飛馬迎擊馬
連渠之賊軍功董福祥張俊李雙良提督蕭章開李雲貴等率所
部徑趨正南接戰雷正綰黃鼎各軍急馳出洪樂堡前以掣賊勢
賊見官軍勢盛仍卽敗退是役各軍共斃賊一千數百名生擒賊
百餘名董福祥頭受槍子傷從腦後穿出周國勝左腿骨爲槍子
擊斷湘軍弁丁陣亡至二十二名受傷至七十五名卓軍陣亡七
名受傷至四十八名蓋血戰也初四日劉錦棠親至南路晤商黃
鼎徐文秀定議合城鎖圍湘軍於金積正南右軍右旗之西再築
兩營扼金積西南雷正綰黃鼎徐文秀中路各軍由洪樂堡分營
東向西修壘掘壕以期聯絡一氣初五日已刻雨後劉錦棠正傳

令出隊修壘忽右軍右旗李雲貴專馬飛報金積回逆悉數西趨
徑撲中路各軍劉錦棠聞知一面帶隊馳往策應一面知會卓軍
金運昌裹創上馬率所部由左路進飭王化成方庭芝等率所部
排列陣後以截金積援賊時劉錦棠所部已由右營進馬連渠之
南何作霖王承贊李樹棠各營已進渠之北余虎恩熊有常陳宗
蕃馬隊已排列於王化成等之旁賊見前後皆官軍肅縮不前雷
正綰黃鼎徐文秀率各營乘勢壓之湘卓兩軍馬步夾擊斃賊約
二三百名餘眾遁入西關是日湘軍營官陳宗蕃左脇受槍子傷
由後脇穿出弁勇陣亡三名受傷五名初
六七八等日賊伏巢不出劉錦棠得以一意修壘中路各軍亦趕
緊修掘壕塹漸可與湘卓兩軍聯接回眾見官軍日逼惶懼益甚
十二日黃鼎徐文秀等正督所部移營進紮逆回忽出大股來犯

劉錦棠金運昌率馬步各營馳往奮擊分統提督方庭芝槍子傷
腮營官李樹棠矛傷領額潘鳳翔肩甲受槍子擊穿劉錦棠金運
昌督隊鏖戰斃賊三百餘名賊又縮入堡內其計勇丁受傷者九
十餘名陣亡者二十四名訊據逃出難民供稱陝回急謀竄走劉
錦棠金運昌令各營以五成隊站守長壕每夜躬親查閱十三夜
四鼓回逆循金積堡南折趨東南撲近長壕各營發礮轟擊該逆
卻退旋聞西面槍敵更緊比派弁偵之報稱陝回二千餘人由西
面衝出時天色未明劉錦棠金運昌一面派騎馳追一面派隊先
攻余彥祿賊壘一鼓克之辰刻追騎回營據稱追行十餘里見人
馬蹤迹折轉正南沿山腳東竄獲落後回逆七名回營訊據供稱
仍回金積堡陳林因傷重未去訊畢斬之十五日黎明陝回果回
陝向馬步約一千數百人歸余彥祿帶領擬赴王洪寨一帶索糧

竄金積正東馬賊約七八百步賊不滿千人維時金積甘回紛紛出巢撲近東南正東長壕希圖內外夾攻使我腹背受敵劉錦棠飛飭各營憑壕布陣排開槍礮轟之親率四營會合金運昌所部兩營迎頭猛擊斃悍賊數百名官軍陣亡九名受傷三十八名躡追八里許至漢伯堡沿途賊屍枕藉餘賊循堡腳奔洋麻湖而去其金積出巢之回經各營連環轟擊亦敗退劉錦棠金運昌等會商以王洪楊明棗園三堡與漢伯堡狼狽相依皆在官軍長壕之外不極力攻克足爲官軍肘腋之患十六日各派步隊分左右聲之派馬隊分列以防溢出之賊劉錦棠親督中軍專用螺絲礮擊其正中連開二十餘礮斃賊甚多壯士奮撲壕邊牆上矢石雨注屢卻屢前陣亡二十三名受傷七十二名環攻一日三堡仍未下也是夜別派馬步潛伏堡旁賊之潛出者皆被官軍擒斬十七日

劉錦棠督所部於長壕之外復掘重壕以禦外賊一面約黃鼎徐文秀會攻漢伯堡十八日各軍猛攻數時因漢伯堡三面阻水賊眾負牆列陣雖轟斃不少而兇燄未衰午後撤隊由東北攻聚園堡三寨布陣丁家寨前開花大子轟塌數垛弁勇徑撲牆下寨中男婦齊拋瓢石弁勇帶傷顛墮者多卒不得上仍收隊回營劉錦棠念功在垂成棄之可惜仍以火器護梯四面環攻適有賊數十縋牆而下官軍截擊無得脫者旋擲火包延燒前寨柴草寨賊始亂其後寨之賊二百餘乘官軍圍攻前寨開壁潛出經官軍砍刺殆盡其逃出寨外者又爲金運昌伏兵所殺十九日天明前寨火息入視殘骸狼藉復於廢壘中搜出二十餘賊據供賊目丁春已赴火自焚矣是役燒斃殺斃之賊約六七百名官軍陣亡三十五名受傷一百十九名隨掣隊攻馬家寨賊出柵抗拒官軍迎頭痛

擊斃賊甚夥收隊而還二十四夜忽報馬家寨賊棄寨而逃劉錦棠金運昌派隊追之及於河濱斬賊數十天明按寨復於荒茅斷塹中獲逸賊數十殲之棗園堡賊乃盡劉錦棠金運昌督隊加修金積堡外重壕圍攻益緊回眾連夜撲壕均經轟斃十月初一日官軍昇開花礮安向東門測準轟擊忽見堡內塵氛大起守賊喧嚷甚急不知其故是夜守壕兵勇擒獲逃出數賊訊供是日辰刻逆首馬化漋登東門城催修牆塹忽礮子飛穿樓瓦碎片擊斃五人馬化漋左耳受碎片重傷倒地十數人昇歸黃鼎營中獲賊供亦相同似該逆被創情形確矣劉錦棠以逆目余彥祿竄出復往來漢伯堡王洪堡與各賊合勢漢伯堡地介洋麻湖波浪湖之間三面阻水其西北平行之處溝渠重疊湖水灌之劉錦棠數次進攻未能即拔初二日劉錦棠帶馬隊百數十騎往勘地勢擬移數

營駐之甫循渠而南見賊騎二百餘正迎面而來劉錦棠伏數十
騎於廈寨中以數十騎向前挑戰賊見官軍馬隊無多縱馬齊衝
劉錦棠撥馬回拒伏兵突起斬騎賊三十餘而奪其馬追賊至漢
泊堡賊爲溝渠所阻急切不能踰溝復斃落後賊二十餘名回營
後約雷正綰黃鼎徐文秀會期初三初四兩日大風未果初五日
風止劉錦棠雷正綰黃鼎徐文秀三路並進雙壽亦率馬隊前來
劉錦棠飭提督蕭章聞何作霖等於要隘分築左右兩壘併修二
卡各軍列陣營前堡賊倚牆開放排槍拚死抗拒王洪堡賊騎二
百餘飛馳來援余虎恩雙壽等率所部躍馬截擊陣斬騎賊七八
十名餘賊敗遁午後壘卡成賊之倚牆列隊者益密官軍以開花
大礮連發轟擊悍賊傷亡已多逆目金大川中礮立斃惟寨牆堅
厚僅轟塌上截一段而堡外壕塹深闊未可飛越急令發沙縛草

爲墳塚之備各營將士分伏壕外伺之二鼓堡賊穴後牆拚死出
竄官軍齊起截擊槍礮矛刺塞滿重塹其得脫者馬隊復截之洋
麻湖邊官軍入堡縱火未出之賊亦皆赴火自焚計轟斃殺斃焚
斃溺斃之賊約共千數百名婦孺丁壯之乞命倅免者不過百餘
而已總計各戰破堡寨十餘處斃賊近六千名官軍陣亡者一百
五十餘名受傷者五百八十餘名中路各軍自八月二十三夜徐
占彪攻拔洪樂堡前兩小寨移營填紮後二十五日復率所部後
踏各營移前築壘陝甘各逆回乘我築壘未成率眾來撲徐文秀
俟其近前督總兵蕭寶林副將彭清和遊擊陳締高率槍礮隊連
環轟擊斃悍賊二三百名賊眾敗卻徐占彪帶隊橫出截之復斃
賊百餘名賊仍遁入金積馬化溼以劉錦棠不允其撫也二十四
日復遣逆弟馬玉灌普洱阿渾詣黃鼎營前乞撫黃鼎諭陝回盡

繳馬械甘回先將馬家堡洪樂堡獻出再議該逆不報二十六夜
黃鼎令徐占彪黃有忠總兵黃虎臣趙典隆等襲米姑寺賊堡二
更後搶人賊卡殺賊數十堡賊驚覺槍礮齊施弁丁傷亡十餘名
乃就卡築壘備之二十八日徐文秀派副將鄭守南襲秦霸關附
近小壘鄭守南破傷右足弁丁傷亡三十餘名二十九日馬玉漋
等復詣營稱請獻米姑寺兩堡及洪樂堡雷正綰黃鼎徐文秀會
商洪樂堡逼近金積地勢散漫馬家丁家譚家十數堡環之官軍
勢難分布該逆之不並獻馬家堡而專獻洪樂堡者意圖給官軍
共聚洪樂使其鈔圍隔截俾長圍不能速合也姑漫應之卽夜緘
營劉錦棠金運昌出隊東南以綴陝回雷正綰黃鼎於九月初二
日率徐文秀閻定邦蕭寶林移營前進適劉錦棠金運昌力攻陝
回獲捷遂乘勢移據洪樂堡越日晤商劉錦棠定合圍之策初五

日黃鼎派黃有忠陳攀仙兩營雷正綰派李廣珠一營移紮金積
堡西南半里間令徐占彪朱蘭亭向前列隊護其築壘已刻陝甘
客逆回馬步萬餘來撲徐占彪朱蘭亭督隊迎擊雷正綰黃鼎徐
文秀飛飭所部分途策應斃悍賊二百餘名陣斬僞元帥鄒麻子
賊爲奪氣乘勝追至金積外壕堡上槍礮如雨官軍陣亡三十餘
名帶傷者百餘名朱蘭亭右膀中槍子傷副將張友德參將王宗
譜中槍殞命徐占彪傳令收隊該逆復乘勢出撲黃鼎夜調李吉
安冷玉超率隊禦之雷正綰徐文秀調隊策應劉錦棠金運昌復
從後鈔擊賊遂大敗各軍奮威衝殺斃賊五六百名追至金積外
壕始行收隊雷正綰黃鼎急督各營掘壕修壘然丁家馬家譚家
等十一堡未克不能與金運昌合西北之圍初七夜雷正綰飭提
督閻定邦千總胡起雲潛師襲之兵分三支各攻一堡堡後各備

木梯約堡前槍礮鋒緊堡後卽豎梯齊上三鼓閻定邦等各督所部分赴堡前排開槍礮噴筒火箭齊施堡中各賊均向堡前抵抗不意官軍已由堡後搶入殺聲突起生擒甘回頭目丁玉貴丁玉洪斃賊四五百名丁家三堡平餘逆悉奔馬家堡其附近之廖家三堡亦棄壘而遁陣亡哨官一員傷亡弁丁十餘名初九日圍攻譚家堡未克傷亡幫辦哨官六員弁丁三百餘名雷正綰黃鼎徐文秀憤甚冒險督隊猱騰而上短兵相接斃賊二百餘名餘賊猶奔聚一隅拚死抵格血戰一時始將堡賊五六百名殲除淨盡生擒甘回頭目嚴鼎君嚴洪發莊紅等三名斬之時已薄暮雷正綰黃鼎徐文秀令軍士傳餐少憩接攻馬家等堡各堡賊見官軍近逼知勢不敵棄堡而奔官軍追斬二百餘名惟馬家堡賊穩踞如故雷正綰黃鼎徐文秀督隊環攻是時大風捲地軍士順風施放

火器堡內房屋柴草均被延燒人聲鼎沸官軍四面緣梯而上賊潰圍紛竄官軍內搜外勦斃賊約七八百名自是金積西南一帶大小堡寨百餘所乃一律剷除長圍可合矣十二日徐文秀徐占彪復移營進逼金積堡西門雷正綰黃鼎派隊護修營壘午刻金積堡賊傾巢出撲堡上老幼婦女無數齊聲助勢呼號震地徐文秀徐占彪等一面掘壕修壘一面派隊迎擊各軍互相策應斃賊數百賊敗歸巢十三日徐文秀復進前添築一營並擊退出撲之賊是夜四鼓後陝回數千徑撲新築營壘徐文秀率所部力戰郤之斃賊數百黃鼎派隊會追行抵米姑寺河邊該逆正在搶渡官軍從後掩殺計淹斃殺斃數百名接攻秦壩關堡及下關寨一鼓克之斃悍賊二百餘名另股逆回乘夜由後路後營蜀軍新左營中空壕壘未接之地衝出向漢伯堡遁走經劉錦棠壘次截勦斃

賊數百名據生擒賊供首逆余彥祿於竄出時受槍子傷自左腮下穿入右耳旁透出旋昇赴王洪堡氣絕黃鼎獲賊訊供亦稱余彥祿傷重而斃臣處所遣偵探回民郭黑狗兒則親見余彥祿受傷甚重所指受傷處所亦同似此賊實已伏誅矣回逆竄至漢伯

堡敗後又分起竄逸一由水溝北竄河西一由漢伯南竄羅山豫

望城一帶經駐半角城記名提督周紹濂駐固原署平慶涇道魏光燾截勦臣復飭已革山西臬司陳湜固原提督張世俊道員

李耀南出嵯口截其竄河州之路另片陳明以清眉目統計雷正綰黃鼎徐文秀各軍自八月二十五日起九月十八日止攻克堡

寨關卡二十餘所擒斬悍目多名殺斃轟斃焚斃溺斃及生擒逆賊約三千餘名臣維金積堡城周九里有奇東自吳忠以至靈州

堡寨共四百五十餘所見僅存王洪楊明兩堡西自洪樂老馬家

堡以至峽口張恩堡堡寨關卡共一百二十餘所見僅存大河中州馬家灘四堡餘皆一律埽除劉錦棠一軍自金積東面紮至南面金運昌一軍紮北面距逆堡半里許或一里西北徐文秀正西黃鼎西南雷正綰延紮營壘距賊堡一二里或三里北與金運昌接南與劉錦棠接掘壕兩道一禦金積堡內出竄之賊一備金積堡外來援之賊壕深不及一丈以其地濱河爲自古積淤所成平地掘三尺則見水不能深也見於牆上累土爲隄合高深計之共二丈餘壕闊三丈勻撥各營晝夜防守正隅各面一律分布鎖圍已成飛走絕迹賊中渠魁馬化漋已被重創穆生花已於七月二十七日染時疫伏冥誅賊勢衰蹙可想而知惟金積堡高四丈堡身厚約三丈許堡中有堡爲首逆老巢賊呼爲王城其高厚亦如之中間牆壁縱橫仿大城包小城式爲之渠水環複尺寸皆堅馬化漋

從前詐降後一意築掘廣儲槍礮增險負固蓄謀已久地勢之難攻如此自乾隆四十九年馬明心蘇四十三以新教煽亂伏誅後根株未淨萌蘖全滋至馬化瀘而復熾靈州士民且謂馬化瀘卽蘇四十三之遺孽其詳固不得而知然其教輕生好勝兇狡忍驚較向中老教爲尤甚此次官軍逼近馬化瀘尙有乞撫之說其黨族則一心作賊並不求生堡寨將破時先刃其家屬或擲諸水火乃解衣格鬪死而後已其堅悍如此城中子藥尙多每攻一堡將目多有傷亡賊中乏糧者雖三分有一而馬化瀘之族積年所蓄猶支數月攻堅歷無善策地道既以土薄水淺不能成功開花礮彈卽測準施放炸裂之後鐵片質輕又多爲牆壁隔閑勢難透遠臣所購西洋普魯社卽布洛斯之義耳礮軍中所稱後膛開花螺絲大礮者也其力大有準爲中外所僅見近日攻克各堡多得其

力賊膽之寒亦在乎此然已用過七百餘子正飭匠作加工速製
計每月不過成三百餘顆不足以供急需且堡城係泥土所築非
甃石繫砌而成屋頂皆平而四角微低傅泥土極厚礮子落街上
穿牆則開花後多所轟斃若墜屋頂而已開花則鐵片直下無力
或隨勢溜落不能奏功以之橫攻堡牆則牆厚三丈礮子不能穿
透在土中開裂亦不能撤底掀翻故攻堅雖羣推此器而用之不
能曲盡其妙亦賊之堡屋有以限之此地道不能開炸礮不能破
之實在情形也臣原擬攻克峽口即可放秦渠以渰金積放漢渠
以渰各堡乃峽口甫得而湘軍已破金積東關移營駐之若圖開
放渠水則令湘軍豫爲遷避乃可無論兵事有進無退萬無令
其遷避之臣設令其遷避引水苟遲久無成臣將何詞以自解湘
軍既進逼東關則峽口兩渠且宜閉塞來源以期安心攻勦而政

堅必損壯士見在各堡寨雖已掃除殆盡而各軍將士傷亡實已
不少前奉諭旨仰窺聖意以用餉多而成功緩無以上對朝廷
臣比宣示諸統將翼各發天良俾得迅速奏功稍寬咎責而察看

近時每戰必捷而傷亡更多

臣若再爲峻督恐或冒昧圖功轉致

僨事大局深爲不便合無仰懇

皇上天恩稍寬時日冀可從容

就緒以慰慈廑又奏由平涼城迤北踰固原以抵中衛靈州地境
計程九百餘里爲通甯夏孔道其間岩谷複沓澗壑幽險回民雜
居堡寨林立向爲盜賊淵藪自中路官軍進剿金積堡陝甘逆回
時嗾悍黨四出鈔掠妄圖牽綴官軍梗滯運道以解金積重圍自
平涼以達前敵軍營中閒延繫三十餘營沿途就屯營之所按程
分設轉運局軍裝軍火軍糧軍餉寒衣棚帳車駄駱駝相屬於道
三十餘營按日迎送護解勞賚不可殫述而地遠路雜賊馬我步

時有不及之虞。屢據總兵鄧林楓參將馮桂增於滾泉刷陽山黃柳防。隆德溝長山頭等處護運殺賊周紹濂五營魏光熹五營及各營於護運之便隨時搜勦東西兩山外來及本地之賊臣之親兵營雕勦靜甯安定之賊各州縣防軍土勇雕勦本境鄰境之賊每次擒斬或數十或百餘名未便逐一陳奏致瀆。宸聰近日各軍圖攻金積陝回自忖長圍將合必致坐困首逆余彥祿乃謀先時潰圍而走九月十三夜劉錦棠徐文秀等戰狀已經正摺陳明其餘黨從漢伯堡竄出馬步賊千餘逆眷約千餘於九月二十五日竄及半角城李旺堡附近一帶臣檄提督周紹濂所部馳往並會同提督李振國總兵屈聖祥各營勦之二十九日賊竄踞半角之倒洞子周紹濂迎擊之斃賊十餘名賊卽翻山亂竄是夜調賊竄由倒洞過山溝兩重隨地露宿四更後周紹濂率總兵鄧正魁

張大雄副將周玉林遊擊周崑回目王鎰萬等潛往襲之鄒正魁
帶隊先到見四山野火如螢賊尙酣臥卽斬其巡更賊大呼官軍
至矣周紹濂等帶隊繼至從火光騰灼處開槍指擊賊倉卒不知
所爲有誤入官軍隊伍而死者有伏地亂叫而死者有墮落巖谷
而死者天明視之屍骸縱橫填塞谷口其逃入馬家套者適屈聖
祥由紫花一路率隊馳至前後夾擊漏逸無幾是役斃賊數百官
軍傷亡二十餘名訊據生賊供稱此股係馬長順李映春丁三保
丁普雲馬永等所帶人眾食乏擬劫糧裹帶以趨河州也初二日
拔山復斃賊百餘陣斬賊目丁三保餘賊敗匿李旺堡黑城子一
帶山谷駐固原之署平慶涇道魏光燾料賊將四竄擬伺其出而
殲之殊賊固匿不出初八日調賊繞道竄西山羅家峴魏光燾卽
夜急起追之五鼓齊抵羅家峴賊眾倉皇列隊抗拒官軍兩路奮

威衝殺斃賊甚多陣斬賊目馬永天明陳湜督所部由間道馳至
併力壓勦斃賊無數步賊殲除殆盡惟騎賊已經竄過者向會甯
靜甯一帶亂竄臣前飭提督楊世俊道員李耀南豫於安定截之
諒難漏網也又奏周開錫稟報九月二十一日河州馬步賊二千
餘由康家巖水淺處偷渡洮河循馬家河驍駿南犯周開錫飭提
督楊世俊率馬步五營七成行隊於護餉過安定之便確探迎勦
楊世俊比派參將周道欽率步隊三哨赴通安驛扼之親率馬步
伏於距馬營監三十里之打涝池赤沙峴地方以待二十二日賊
竄通安驛周道欽倚牆結方陣以拒自午迄申槍礮如雨斃賊頗
多賊更番猛撲傷勇丁數十名卒不得過乃向赤沙峴狂奔楊世
俊豫設伏兵於此賊至伏起斬賊數十賊敗向石川一路楊世俊
復督所部卽夜躡追馳五十里二十三日天明抵石川山梁偏仄

賊擁擠不前楊世俊督隊蹙之斃賊數十賊眾齊聲唸呪拚死抗拒官軍馬隊猛衝斃賊五六十名賊勢不支紛紛亂竄楊世俊督隊乘勝緊追沿途擒斬悍賊三百餘名餘賊零星四散悉向牛站以西循馬家河原路回巢二十四日復飭馬步偏山搜勦六十里俱無賊蹤次日乃收隊回防共計陣亡勇士六十餘名受傷百二十餘名據生擒悍回馬成有等三十九名供稱此次河州東鄉會聚馬步賊約二千二三百人係馬阿渾劉阿渾馬二張狼背馬三師務即朵大師務之弟五大頭目所帶意在擾秦伏糧道至金積求援騎賊願往步隊畏怯不前其馬二張狼背兩回目已經官軍陣斬上諭此次北路馬步各軍經劉錦棠等督飭進剿奮勇爭創中路雷正綰黃鼎徐文秀等軍勦敗陝甘回匪疊破堡寨殲斃

逆目鄒麻子丁玉瀆等首逆余彥祿亦因傷身斃勦辦甚屬出力見在金積堡東面僅存王洪楊明兩堡西面僅存大河中洲馬家灘四堡餘皆一律埽除各路官軍復於四面紮營掘濠漸逼漸緊自當乘此機勢鼓勇進攻以收擣穴擒渠之效至左宗棠摺內所稱金積堡城高牆厚渠水回環攻堅既多有傷亡地道又未能開掘請寬以時日可冀奏功等語固屬實在情形惟當此賊氛大挫合圍已成總當於慎重之中寓奮迅之意不可稍涉畏難至形鬆勁河州回逆偷渡洮河循河南犯經楊世俊等迎勦獲勝仍著飭令在防各軍遇賊卽擊毋稍疏懈漢伯堡竄出之賊疊經周紹濂等軍分路迎擊擒斬甚多其敗匿李旺堡等處者亦經魏光叢追勦陣斬賊目馬泳步賊殲除殆盡惟騎賊已向會甯靜寧紛竄提督楊世俊等安定截勦之師能否盡殲醜類官運糧運最關緊要

仍當督飭各軍隨時確探雕勦以護運道毋稍疏虞將此由六百
里諭令知之○諭金順奏回匪糾眾出撲官軍奮擊獲勝一摺王
瞳回匪因官軍連日進逼率黨分路疊撲各軍營卡經金順會同
張曜遠日舊擊雖經先後獲勝惟該逆恃其巢堅黨眾河東陝回
又因就食趨附後路糧道時虞梗阻若不迅速攻克則逆援日多
勦辦更形棘手著金順會同張曜督飭各軍實力進剿迅將王瞳
攻拔並將該逆援路先行斷絕以孤賊黨毋任勾結紛擾致稽時
日將此由六百里諭令知之○于甘肅陣亡統兵官蕭榮發等祭
葬世職○辛酉予甘肅陣亡參領明慶等祭葬世職○署甯夏將
軍副都統金順奏攻毀王瞳附近堅壘得旨著該副都統會同張
曜督飭各隊實力進攻王瞳並嚴防後路毋得敷衍陳奏徒事粉
飾○王戌諭軍機大臣等前經諭令蔣志章酌撥譚仁芳一軍扼

駐定邊並令左宗棠派兵進紮平羅嗣據蔣志章覆奏譚仁芳一軍畱防腹地未能遠調已將撫標中右兩營派赴靖邊歸成定康調遣與定邊遙壯聲援茲據定安奏稱探得回逆二十餘騎竄至米脂磚井堆子梁等處並有續來馬步賊千餘已到花定一帶河東陝回復由通昌通貴河邊竄過馬步賊二三千人分擾平羅等處請仍飭左宗棠蔣志章撥軍分扼等語見在金積旣經合圍王家疃莊亦在攻剿突緊之際逆黨窮極紛竄擾我後路冀以掣動前敵自在意中米脂等處旣有賊蹤是以越定邊而東劉厚基成定康等軍駐紮沿邊何以並不迎頭截擊任其竄入刻下該匪擾距晉疆甚近冬令河水凝沍尤慮東擾並著知照何環加意防堵毋稍疏虞前派撫標兩營曾否馳抵靖邊如果兵力不敷卽著續

派數營前往定邊一帶合力防勦毋任賊蹤再行闖入並著定安
知照宋慶等於沿邊一帶勤加偵探遇有東竄之賊卽行派隊迎
勦力埽狂氛劉銘傅業已由津起程著卽趕緊前進到陝後迅派
得力隊伍扼繁陝甘交界處所並將鄜延綏榆一帶土匪潰勇搜
捕淨盡毋任勾結外來匪徒滋擾陝境平羅一帶時有賊匪竄擾
糧路設有梗阻閹繫非輕金順張曜等軍進勦王瞳及分防守甯郡
石觜磴口等處兵力不敷分布著左宗棠仍遵前旨迅派勁兵進
剿平羅地方以清甯靈後路將此由六百里各諭令知之○是月
減免貴州興義等十府平越等四十四州縣暨普安等兩同知清
江等四通判冊亭州同羅斛州判錦屏鄉縣丞所屬並古州等九
衛被授舊欠額賦蠲緩直隸霸州等四十州縣被水被旱被雹被
蟲新舊額賦租課暨民借倉穀